



Error! Not
a valid
filename.

AUSTRHEIM KOMMUNE

Møtebok Kommunestyret

Møtedato: 07.04.2022
Møtested: Austrheim samfunnshus
Møtetid: 18:00 - 21:05

Frammøtte medlemmer	Parti	Rolle
Per Lerøy	AP	Ordfører
Monika Thorpe	AP	Medlem
Reidar Ulvøy	AP	Medlem
Inger Lise Brekke	H	Varaordfører
Rikke Heldal Hope	H	Medlem
Aslak André Bakke	H	Medlem
Helge Dyrkolbotn	KRF	Medlem
Anne Dahle Austrheim	KRF	Medlem
Bjørn Inge H. Dyrkolbotn	SP	Medlem
Reidar Øksnes	SP	Medlem

Forfall meldt frå medlem:	Parti	Rolle
Ann Kristin Leirvåg	AP	Medlem
Hardy Pedersen	AP	Medlem
Britt Mary Skaalevik Lerøy	AP	Medlem
Morten Sognnes	H	Medlem
Randi Keilegavlen Dyrøy	KRF	Medlem
Lise Renate Helle	SP	Medlem
Marita Terese Bru	BIA	Medlem

Frammøtte varamedlemmer:	Parti	Rolle
Idar Johan Hopland	AP	Varamedlem
Anette Kaland	AP	Varamedlem
Kristian Semmingsen Lerøy	AP	Varamedlem
Jan Erik Espelid	BIA	Varamedlem
Hege Ramsland	H	Varamedlem
Stein Kåre Løvslett	KRF	Varamedlem
Pål Andreas H. Dyrkolbotn	SP	Varamedlem

Desse møtte frå administrasjonen: Bjørnar Fjellhaug, Ketil Tjore, Monika Kvamme, Odd Harald Dommersnes, Rolf-Henning Myrmel, Thomas Lindås, Trine Merete Jansen

Austrheim 11. april 2022

Per Lerøy
ordfører

Ketil Tjore
møtesekretær

Saksliste

Saksnr	Tittel
016/22	Godkjenning av innkalling og saksliste
017/22	Godkjenning av møteprotokoll
018/22	Meldingar
019/22	Orienteringssak
020/22	Kommunedelplan for trafikkisikring for Austrheim kommune 2022-2030 - Godkjenning
021/22	Revidering av reglement for folkevalde organ i Austrheim kommune
022/22	Auka investeringsramme VA
023/22	Sal av eigedommar frå Austrheim kommune til Austrheim kommunale eigedomsselskap AS (AKE)
024/22	Avtale om vass- og reservevassforsyning til Austrheim
025/22	Framtida til kyrkjelydshuset
026/22	Oppmoding om busetjing av flyktningar 2022
027/22	Justering av medlemmer til Felles sakkunnig klagenemnd for eigedomsskatt

Sakspapir

Saksnr	Utvalg	Type	Dato
016/22	Kommunestyret	PS	07.04.2022

Sakshandsamar	Arkiv	ArkivsakID
Ketil Tjore	FE-033	22/381

Godkjenning av innkalling og saksliste

Framlegg til vedtak:

Innkalling og sakliste vert godkjent

Kommunestyret - 016/22 - 07.04.2022

KS - behandling:

Varaordførar Inger Lise Brekke (H) ba om at det vart korta inn på saksframlegga, for å gjera innkallingane mindre omfattande.

Ordførar Per Lerøy (Ap) la til at det bør prioriterast klart språk slik at alle forstår kva som er innhaldet.

Helge Dyrkolbotn (KrF) sa at han lagt på veg var samd. Dyrkolbotn sa vidare at om det skal vera tid til å gjera ei skikkeleg handsaming i kommunestyret, med ein god diskusjon, så kan det også vera eit moment at ein startar kommunestyra tidlegare, til dømes klokka 15.00.

Inger Lise Brekke (H) la til at det kan vera avskrekkande for rekrutteringa til politikken med så mykje papir, og sett på spissen kan det vera eit trugsmål mot demokratiet.

Reidar Øksnes (Sp) spurte om det er rett å ha på saklista sal av kommunale eigedommar, når det selskapet som kjøper ikkje er heilt på plass. Her svara ordførar Per Lerøy at arbeidet med å finna eit nytt syre i Austrheim kommunale eigedomsselskap, er i ein god prosess.

Hege Ramsland (H) sa om reglementa som skal til vedtak at det i framtida bør markerast kva som er endringar, slik at det er lettare å sjå dette.

Per Lerøy (Ap) oppsummerte med at innkallinga er godkjent, men at ein oppfordrar administrasjonen

til å fatta seg i korthet.

Handsaming i kommunestyret:

Kommunedirektøren sitt framlegg vart samrøystes vedteke

KS - vedtak:

Innkalling og sakliste vart godkjent

Saksopplysninger:

Sakspapir

Saksnr	Utvalg	Type	Dato
017/22	Kommunestyret	PS	07.04.2022

Sakshandsamar	Arkiv	ArkivsakID
Ketil Tjore	FE-033	22/381

Godkjenning av møteprotokoll

Vedlegg

Protokoll - Kommunestyret - 17.02.2022

Framlegg til vedtak:

Møteprotokoll frå forrige møte vert godkjent

Kommunestyret - 017/22 - 07.04.2022

KS - behandling:

Handsaming i kommunestyret:

Kommunedirektøren sitt framlegg vart samrøystes vedteke

KS - vedtak:

Møteprotokoll frå forrige møte vart godkjent

Saksopplysninger:

Sakspapir

Saksnr	Utvalg	Type	Dato
018/22	Kommunestyret	PS	07.04.2022

Sakshandsamar	Arkiv	ArkivsakID
Ketil Tjore	FE-033	22/381

Meldingar

Underliggende saker

Saksnummer	Tittel
018/22.1	Årsmelding fra DigiVestland - 2021
018/22.2	Årsmelding for Aufera - 2021
018/22.3	Tilsynsrapport med varsel om pålegg
018/22.4	Rapport - Organisering av legekantor i kommunen

Framlegg til vedtak:

Meldingane vert tekne til orientering

Kommunestyret - 018/22 - 07.04.2022

KS - behandling:

Handsaming i kommunestyret:

Kommunedirektøren sitt framlegg vart samrøystes vedteke

KS - vedtak:

Meldingane vart tekne til orientering

Saksopplysninger:

Sakspapir

Saksnr	Utvalg	Type	Dato
019/22	Kommunestyret	PS	07.04.2022

Sakshandsamar	Arkiv	ArkivsakID
Ketil Tjore	FE-033	22/381

Orienteringssak

Framlegg til vedtak:

Orienteringane vert teke til vitande.

Kommunestyret - 019/22 - 07.04.2022

KS - behandling:

Bjørn Inge Håland Dyrkolbotn, lærar ved Årås skule, fortalde om arbeidet som er gjort av elevane for innsamling av midlar til Ukraina, der det i alt kom inn nærare 60.000 kroner alt i alt.

Einingsleiar teknisk drift, Rolf Henning Myrmel, orienterte om arbeidet med å klargjera tilfluktsrommet på Kaland skule. Noko er gjort, medan noko står att før tilfluktsrommet er etter den standarden det skal ha.

Einingsleiar teknisk drift, Rolf Henning Myrmel, orienterte om arbeidet med ny vassforsyning frå Utkilen til Mastrevik/Idrettshallen, dette skal vera klart til påske. Neste prosjekt er kloakkpumpestasjon Åråsvågen, der er det 7-9 veker å venta på sjølve anlegget som skal lagast. Jobbar vidare med kloakk frå Solen/Leikvoll, og så er det prosjektering av kloakkanlegg i Breidvik.

Kommunedirektør Bjørnar Fjellhaug orienterte om arbeidet ved legekantoret, der det under meldingar til kommunestyret låg ved ein rapport med pålegg frå Arbeidstilsynet, og ein rapport frå PWC om organisering av legekantoret. Skal jobba vidare med kompetanseheving innan arbeidsmiljø, og opplæring i rutinar. Må ha på plass ei rutine for omstilling og nedbemanning, for den som føreligg i dag har for stort fokus på nedbemanning. Har frist til 9. mai til å svara Arbeidstilsynet på dei punkta der det er gitt pålegg.

For dei punkta som er påpeika av PWC om organiseringa av legekantoret, så legg kommunedirektøren opp til å få på plass ein ny leiingsstruktur. Det kjem ein eigen avdelingsleiar for helseavdelinga, for med legekantoret, helsestasjonen og psykisk helse, grønt arbeid og fysio-ergoterapitenesta.

Kommunedirektør Bjørnar Fjellhaug orienterte om arbeid med Ungjobb og Grønt Arbeid. Legg opp til å styrka Grønt Arbeid gjennom budsjettjusteringa i mai.

Kommunedirektør Bjørnar Fjellhaug orienterte om avvikssystemet, der det er meldt inn 100 avvik sidan systemet kom i gang. Dei fleste er lukka, nokre er under arbeid.

Kommunedirektør Bjørnar Fjellhaug orienterte om fornying av ulike reglement: Tilsetjingsreglement, Arbeidsreglement og Permisjonsreglement. For sistnemnde er det delegert meir mynde ut til leiarane i organisasjonen, slik at dei tek fleire avgjerder tettare på.

Kommunedirektør Bjørnar Fjellhaug orienterte om Flytt til Austrheim, herunder bruk av konsulentstøtte frå Karabin, dette vil ein ta vidare på todagarssamlinga som er planlagt i Kilstraumen 11. og 12. mai.

Kommunedirektør Bjørnar Fjellhaug orienterte om den nye profilen som er utarbeidd for kommunen, med ei fornying av det som låg der frå 2009. Nye skrifttypar, malar, logo for nedlasting med meir.

Økonomi- og personalsjef Odd Harald Dommersnes orienterte om nøkkeltal frå Kostra, med tanke å korleis tala er i Austrheim opp mot kommunar det er naturleg å samanlikna seg med.

Helge Dyrkolbotn (KrF) sa at han i utgangspunktet ikkje er så begeistra for Kostra-tal, men kan vera samd i at det er det beste ein har. Dyrkolbotn hadde tre spørsmål:

1. Meirforbruk barnehage, er det låge barnetal og høge lønsutgifter?
2. Kommunehelse som er over med 6 millionar, er det berre utgifter men også tapte inntekter?
3. Fellesadministrasjon som er over 7,5 samanlikna med andre, kva er dette?

Odd Harald Dommersnes viste til at det i nokre tala er blanda kostnader til drift og investering. At det er høgt på barnehage skuldast mellom anna ventilasjonsanlegg i Kystbarnehagen, og at det er politisk vedtak på at det skal styrkast med fagarbeidarar når dei pedagogisk tilsette har plantid.

Kommunedirektør Bjørnar Fjellhaug sa at tala vil bli gjennomgått meir detaljert under budsjettkonferansen i mai.

Reidar Ulvøy spurte om ventilasjonsanlegget i Kystbarnehagen, som det vart løyvd ekstra midlar til. Einingsleiar teknisk drift Rolf-Henning Myrmel svara at anlegget no er fiksa og justert slik at ein får ut så mykje som ein kan få ut av denne typen anlegg.

Ordførar Per Lerøy orienterte om planarbeidet som er igangsett for næringsområdet i Øksnesmarka (kart ligg ved møteboka). Odd Haugen er i gang med reguleringsarbeid i samarbeid med Norconsult. Det har vore ein dialog med grunneigarane om vegtrasé. Kommunen si rolle i saka er å førebu ei sak til formannskapet, skal handsama planprogrammet og deretter leggja det ut på høyring i seks veker. Reidar Øksnes (Sp) spurte om kommunen har sjekka andre interessentar for den kommunale delen av arealet. Her svara Per Lerøy at kommunen ikkje har initiativet her, men at ein skal hjelpa til slik at det som skal gjerast vert gjort riktig. Reguleringsprosessen er mykje lik som andre stader, forskjellen er at her er kommunen både høyringsinstans og grunneigar.

Reidar Øksnes (Sp) spurte om korleis Statsforvaltar vil stilla seg med tanke på biologisk mangfald. Her svara Per Lerøy at det er eit ganske omfattande planprogram det er tale om, og at det er statsforvaltar, fylket og kommunen som vurderer om dette er godt nok.

Jan Erik Espelid (Bygdelista) tok opp uro frå foreldre med tanke på det som skjer på Mastrevik Torg, med ungdommar som samlar seg og gjer ugagn. Har oppfatta at det er gitt midlar spesielt for arbeid retta mot ungdom på mellomtrinnet. Er det mogleg å komma i gang med ein aktivitet like etter påske, foreldre står klare med lokale i kyrkjelydshuset og hallen , og samarbeid med barne- og

ungdomsarbeidarlinja på AVS. Kan kommunalsjefen lova at det er fortgang i arbeidet, og gjerne nytta midlar som er gitt frå Gjensidigestiftinga. Hastar å komma i gang, kan ikkje venta til hausten, når ny ungdomskoordinator er på plass.

Trine Merete Jansen, kommunalsjef oppvekst og kultur, svara at det vert juniorklubb eit par gonger i månaden, med oppstart i april. Ny ungdomskoordinator er elles tilsett frå 1. juli, i mellomtida jobbar ein med å halda i gang dei oppgåvene som ungdomskoordinatoren har hatt.

Handsaming i kommunestyret:

Samrøystes for å ta orienteringane til vitande.

KS - vedtak:

Orienteringane vart teke til vitande.

Saksopplysninger:

Kommunedirektør Bjørnar Fjellhaug orienterer om reglement som har vore gjennom AMU, om Karabin-prosess og arbeidet med «Flytt til».

Einingsleiar teknisk drift, Rolf Henning Myrmel, orienterer om framdrift VA, både vatn og avløpsstasjon Kystlandsbyen med meir (gjer avtale med Kystlandsbyen etter formannskapet 24. mars).

Økonomi- og personalsjef Odd H. Dommersnes orienterer om Kostra-tala, samt økonomi etter 2 mnd., og om sjukefråværet.

Asbjørn N. Toft orienterer om arbeidet med Interkommunal plan (IKP) sjø. Planen kjem til politiske sakshandsaming seinare i år.

Ordførar Per Lerøy orienterer om arbeidet med næringsområdet i Øksnesmarka.

Sakspapir

Saksnr	Utvalg	Type	Dato
036/22	Formannskapet	PS	24.03.2022
020/22	Kommunestyret	PS	07.04.2022

Sakshandsamar	Arkiv	ArkivsakID
Asbjørn Nagell Toft	FA-Q89, HistSak-15/948	20/88

Kommunedelplan for trafikksikring for Austrheim kommune 2022-2030 - Godkjenning

Vedlegg

Kommunedelplan for Trafikksikring for Austrheim kommune 2022-2030

ALL Innspel til kommunal trafikksikringsplan 2022-2030

Solen og Førland Velforening - innspel veglys Solekrysset - Njøtevegen

Notat til trafikksikringsplan_10jan2022

Veilys kart...illustrasjon

Innspel_veglys Solekrysset_Njøtevegen

Solen og Førland Velforening - søknad om veglys - Solesjøen/Njøtetvegen

Uttale - Offentleg ettersyn - Austrheim - kommunedelplan for trafikksikring 2022-2030

Uttale til offentlig ettersyn av kommunedelplan for trafikksikring for Austrheim kommune 2022-2030

Trafikksikring Litlåsvegen ved Veltec og Myklebust området

bilde litlås industriområde.jpg

Framlegg til vedtak:

Kommunedelplan for trafikksikring for Austrheim kommune 2022-2030 vert godkjent med dei endringane som går fram av saksutgreiinga. Vedtaket er heimla i plan-og bygningslova § 11-15.

I tillegg gjer kommunestyret vedtak om at dei trafikktryggingstiltaka som Austrheim kommune har fått tilskot til frå Vestland fylkeskommune i 2021 og 2022, skal gjennomførast i god tid før utgangen av 2022. Når tiltaka er gjennomførde, skal dette rapporterast inn til trafikktryggingsutvalet i fylkeskommunen.

Formannskapet - 036/22 - 24.03.2022

FS - behandling:

Avdelingsleiar plan Asbjørn Toft orienterte om saka, og sa at dette er ein plan som Austrheim kan

leva med ei tid framover.

Morten Sognnes (H) spurte om gangfelt frå Mongstadkrysset til Kilstraumen, og viste det har vore fleire stygge ulukker samt dødsulukker på dette strekket. Fekk svar om at det står på lista, frå Kilstraumen til Fonnes.

Per Lerøy (Ap) sa at det er sett opp ei liste over større, og ei over mindre tiltak, og at ein brukar desse aktivt for å visa at det er prioriterte tiltak i Austrheim, som ein så søker om tilskot til.

Bjørn Inge Håland Dyrkolbotn (Sp) viste til at Årås skule har jobba med trafikksikring sidan 2016.

Handsaming i formannskapet:

Kommunedirektøren sitt framlegg vert samrøystes vedteke.

FS - vedtak:

Kommunedelplan for trafikksikring for Austrheim kommune 2022-2030 vert godkjent med dei endringane som går fram av saksutgreiinga. Vedtaket er heimla i plan-og bygningslova § 11-15.

Kommunestyret - 020/22 - 07.04.2022

KS - behandling:

Ordførar Per Lerøy (Ap) orienterte om den nye kommunedelplanen for trafikksikring.

- Lerøy viste til at ein god plan gjer det lettare å få midlar til tiltak.
- Er også positivt for kommunen å ha status som trafikksikker kommune.
- Det er stor trafikk gjennom kommunen i samband med arbeidspending morgon og ettermiddag.
- Planen har to prioriteringslister, ei for små tiltak under fem millionar kroner, og ei for større tiltak over dette. Viktig å kunne visa til prioriteringsliste når ein skal søka om midlar.

Rikke Heldal Hope (H) sa at det er bra at kommunen har bedt om lågare fartsgrense, dette er aktuelt på fleire strekk der det går mykje skulebarn langs vegen. Hope ba om at det vart argumentert med tryggleiken for skuleborn, når ein ber om lågare fartsgrenser det det er skulevegar. Ordførar Per Lerøy (Ap) svara at dette er eit argument som må med. Ein kan også venta auka trafikk når ny fylkesveg over Radøy er klar. Lerøy viste elles til at Statens vegvesen vil ha færrast mogleg endringar i fartsgrensene over eit strekk. Bilistane heldt fartsgrensene betre, når det ikkje er så mange endringar tett.

Monika Thorpe (Ap) sa at det er peika på rydding av sikt ved kryss. Her svara ordførar Per Lerøy at kommunen tek noko sjølv. Tidlegare tok ein halve kommunen kvart år, men ser at det gror så raskt opp at det er best å ta dette kvart år.

Helge Dyrkolbotn (KrF) sa at ein den overordna linja ein jobbar for er gang- og sykkelveg gjennom kommunen. Dyrkolbotn spurte om kva ein har fått midlar til, her svara Lerøy at det er gitt midlar til ein snarveg frå Åråsfeltet ned til vegen i båthamna, der kommunen også vil prøva å ta gangvegen frå fylkesveg 565 forbi kunsthuset og opp til vegen inn i Åråsfeltet.

Per Lerøy (Ap) sa at det er viktig å gjennomføra prosjekt, og la fram eit framlegg til tilleggsvedtak. Når ein søker om nye midlar, er det viktig å ha truverd på gjennomføring.

Helge Dyrkolbotn (KrF) sa seg samd i at det er viktig å gjennomføra prosjekta.

Reidar Øksnes (Sp) spurte om tiltaka som er gjennomført langs Finnsvågen/Blomhaugane med høge støypekantar, dette gjer vegen farlegare enn tidlegare.

Anette Kaland (Ap) spurte om Vardebrua, Per Lerøy (Ap) svara at denne skal monterast i august og opnast i september. Helge Dyrkolbotn (KrF) gav honnør for arbeidet med Vardebrua.

Per Lerøy (Ap) sa om fotgjengarfelt, får ikkje gjennomført dette som trafikksikringstiltak på veg med fartsgrense 50 km/t eller meir, skal vera 40 km/t eller oppheva gangfelt.

Handsaming i kommunestyret:

Kommunedirektøren sitt framlegg vart samrøystes vedteke

Tillegget frå ordførar Per Lerøy (Ap) vart samrøystes vedteke.

KS - vedtak:

Kommunedelplan for trafikksikring for Austrheim kommune 2022-2030 vert godkjent med dei endringane som går fram av saksutgreiinga. Vedtaket er heimla i plan-og bygningslova § 11-15.

I tillegg gjer kommunestyret vedtak om at dei trafikktryggingstiltaka som Austrheim kommune har fått tilskot til frå Vestland fylkeskommune i 2021 og 2022, skal gjennomførast i god tid før utgangen av 2022. Når tiltaka er gjennomførde, skal dette rapporterast inn til trafikktryggingsutvalet i fylkeskommunen.

Saksopplysninger:

Formannskapet vedtok den 28.01.2021 oppstart av arbeid med **Kommunedelplan for trafikksikring for Austrheim kommune 2022-2030**. Totalt kom det 21 innspel til planen frå offentlege, innbyggjarar og lag/organisasjonar i samband med planoppstarten. Oversikt av desse kan ein sjå i kommunedelplanen. Desse er delt inn som innspel på fylkesvegar og innspel på kommunale vegar.

Finansieringa av arbeidet har vore eigeninnsats og løyvde midlar på kr. 100.000 til arbeidet frå Vestland fylkeskommune. Kommunen sin gjeldande trafikksikringsplan vart godkjent av kommunestyret i 2016. Denne nye kommunedelplanen vil danna grunnlaget for vidareføring av trafikktryggleiksarbeidet. Austrheim kommune har hatt ei arbeidsgruppa som har leia arbeidet, denne sette formannskapet ned i møtet den 28.01.2021. I denne har følgjande personar vore med:

Per Lerøy, ordførar i Austrheim kommune

Rolf Henning Myrmel, avdelingsleiar teknisk drift

Anita Soltveit, ungdomskoordinator

Bjørnar Fjellhaug, (kommunalsjef skule og oppvekst før han vart kommunedirektør)

Asbjørn Nagell Toft (plansjef)

Austrheim kommune leigde inn verksemda Norconsult for å bidra til planarbeidet fram til planforslaget kom på offentleg ettersyn. Verksemda oppdaterte naudsynt statistikk og samla inn relevant trafikkdata. Også utarbeiding av tiltaksliste med enkel kostnadsberekning og utarbeiding av eit komplett planforslag har vore Norconsult sitt arbeid. Planforslaget vart datert den 29.09.2021. Det har i planprosessen vore god dialog mellom arbeidsgruppa og konsulentfirma. I tillegg har FAU Årås skule, Årås skule, FAU Kaland skule, Kaland skule, ungdomsrådet, eldrerådet, ungdomsklubben, Austrheim vidaregåande skule og andre aktørar i Austrheim kommune bidrege aktivt i planarbeidet.

Kommunedelplan for trafikkisikring for Austrheim kommune 2022-2030 har fram til 31.12.2021 vore ute på offentleg ettersyn. Det var formannskapet som den 21.10.2021 i sak 101/21 vedtok å leggja den ut. Planframlegget vart annonsert i lokalavis/heimeside/Facebook og ein del offentlege instansar og lag vart tilskrivne. Frist for merknadar til planforslaget vart sett til 31.12.2021. Nokon aktørar fekk utsatt frist for å kunne skriva merknaden sin ferdig. Det kom inn 5 merknad frå følgjande aktørar, alle merknadane er vedlagt i saka:

1. Austrheim Idrettslag. Merknaden er datert den 15.01.2022. Dei skriv mellom anna følgjande: *Innspel nr. 8 som gjeld kryssingspunkt ved Austrheim Samfunnshus er ikkje med vidare på prioriteringsliste. Her er det meld frå eit ønske om gangfelt. Me ser det er tatt til orientering, men me meiner dette må vera med vidare på prioriteringslista.*

Dei skriv til slutt:

Som trafikkisikker kommune bør kryssingspunktet ved samfunnshuset bli prioritert med vidare på lista. Det er allereie veglys i området, og merking av overgangsfelt samt skilting bør vera mogleg å få tilrettelagt.

Austrheim kommune sin kommentar:

I drøftingar med Statens vegvesen om dette temaet så er konklusjonen at det vert falsk trafikktryggleik å merka synleg gangfelt over Fv. 565 her. Farten er 50 km/t og dei ynskjer ikkje gangfelt på slike stadar av omsyn til trafikktryggleiken. Austrheim kommune tek merknaden til orientering.

2. Solen og Førland Velforening. Merknadane deira er datert den 08.01 og 11.01.2022. Velforeininga har og lagt ved illustrasjonar på kart datert den 07.01.2022 som viser deira ynskje om plassering av veglys på Njøtevegen og Solesjøen.

Velforeininga skriv mellom anna følgjande for kommunale vegar:

1. Strekninga fra innkjøring til Solesjøkrysset er i dag for det meste mørklagt utan veglys. Tungtrafikk til Njøten plastindustri og renovasjonsbiler + stor auke i bobiltrafikk dei siste par åra, i tillegg til privatbiltrafikken gjer at dette er ein meget trafikkert kommunal veg.

Skuleelevar i dette området er ikkje dekkja av skuleskyss og må difor gå til Solesjøkrysset for å ta skulebuss. I vinterhalvåret må skuleelvane i området gå ca 1 km på mørklagt trafikkert veg. Vi ser ikkje at dette idag er ein sikker skuleveg.

Vi i Solen og Førland Vel meiner sikker skuleveg på denne strekninga må komma høgt på prioriteringslista til kommunen med tanke på kartlegginga og planene om veglysutbygging i Austrheim.

2. Njøtevegen/Søre Njøten. Naustneset Vel hadde planlagt å senda innspel om veglys frå byggefeltet til snuplass for buss- ca 500 m. Ved ei misforståing vart dette ikkje sendt. A Brugger ber om at dette

blir teke med i planen.

3. Veglys Leikvoll – tiltak 2.12 s.35. Dette er fylkesveg.

4.Fartsdemparane på kommunevegane bør merkast på lik linje med fylkesvegane.

5. Området utanfor idrettshallen. Sjå tiltak 2.2 side 35.

Austrheim kommune sin kommentar til følgjande merknadsnr. på kommunevegane:

1. Austrheim kommune har som kommentar at strekninga fra innkjøring til Solesjøkrysset- Njøtevegen bør få veglys, dette tiltaket vil verta prioritert på rett plass i forhold til andre stadar utan veglys i kommunen. Dette i forhold til trafikkmengde, breidde på veg og tal gåande/syklande langs strekingen. Det vert teke med i planen.

2. Austrheim kommune har som kommentar at det på strekninga frå byggefeltet til snuplass for buss bør koma veglys, dvs på Njøtevegen/Søre Njøten. Det vert teke med i planen.

3. Austrheim kommune rettar opp i teksten/planen at tiltaket med veglys Leikvoll – tiltak 2.12 s.35 er på fylkesveg. Dette er kome på rett plass no i planen..

4.Austrheim kommune har som kommentar at fartsdemparane på kommunevegane bør merkast på lik linje med fylkesvegane. Dette vert teke inn i planen.

5. Austrheim kommune har som kommentar at området utanfor idrettshallen /sjå tiltak 2.2 side 35) er regulert og at tiltak her skal prioriterast og vera i tråd med reguleringsplanen for området.

Solen og Førland Velforening skriv mellom anna følgjande for Fylkeskommunale vegar:

1. Veglys i krysset Austrheimvegen – Solenvegen, ikkje Hjertåskrysset, tiltak 3.1 side 36.

2. Førland – søknad om 60 km/t fartsgrense. Innstillinga er 70km/t – tiltak 3.2. side 36. Me ber om at kommunen tilrår 60 km/t. Nyvegen over Radøy, 2024 vil medføre auka trafikk, også tungtransport, og føra til større risiko for ulykker.

3. Merking av farlege svingar. Dette gjeld svingen sør for Kjell Hope(ofte høg fart) og svingen ved avkjøringa til Solevegen. Me vil også peika på den «stygge» svingen ved Bakkøykrysset.

4. Vegkryssa i Åråsdaalen. Både krysset til Solevegen og Åråsfeltet(tiltak 3.10. side 36) har korte siktliner og det har vore mange «nære på ulykker». Kryssa kan enkelt gjerast tryggare ved å flytta kryssa(mot Samfunnshuset) Store greiner heng utover gang- og sykkelvegen og dels utover bilvegen i Åråsdaalen. Kan verta stygt dersom greiner fell ned. Kven har ansvaret?

5. Utkøyring frå seniorsenteret, kulturskulen og Nordliheimen. Dette er ei farleg utkøyring med mange eldre som brukar bil, og born på musikkskulen. Bør flyttast ned til hovudavkjøringa til Nordliheimen.

6. Kommunen bør vurdere 60/70 km/t fartsgrense frå Øksneskrysset til Åråsfeltet. Dette vegstykket har gang- og sykkelvegefelt. Det er 2 avkjøringar – Austrheimfeltet og Samfunnshuset/idrettsbana- ved

sistnemnde må folk som brukar gang- og sykkelvegen kryssa fylkesvegen. Idrettsbana(grasbane) vert mykje brukt av barn/ungdom i somarhalvåret. Kommunen bør vurderer eit fotgjengarfelt, som er godt merka med skilt, eventuelt også med fartsdempingar.

7. Det er for mange fartsskilt Sætre/Budal – Mastrevikkrysset. Den korte 60 km/t sona bør sløyfast.

Austrheim kommune sin kommentar til følgjande merknadsnr. på fylkevegar:

1. **Austrheim kommune sin** kommentar at det vert retta opp i kommunedelplanen at veglys er i krysset Austrheimvegen – Solenvegen, ikkje Hjertåskrysset, tiltak 3.1 side 36.

2. **Austrheim kommune** sin kommentar til søknad om 60 km/t fartsgrense ved Førland. Vår innstillinga er 70 km/t – tiltak 3.2. side 36. Austrheim kommune sin kommentar er at 60 km/t vil nok ikkje fylkeskommunen godta her, vår innstilling er difor som før at me prøver å få denne strekninga ned til 70 km/t. Austrheim kommune er samd i at den nye vegen over Radøy som opnar i 2024 vil medføra auka trafikk og føra til større risiko for ulykker. Me sender inn søknad om nedsetting av fartsgrense her innan våren 2022.

3. **Austrheim kommune** sin kommentar er at merking av farlege svingar i svingen sør for Kjell Hope og svingen ved avkjøringa til Solevegen og Bakkøykrysset vert teke inn i kommunedelplanen som eit tiltak her. Me sender inn søknad om skilt her innan våren 2022.

4. **Austrheim kommune** har som kommentar at me er samd om at vegkryssa til krysset til Solevegen og Åråsfeltet (tiltak 3.10. side 36) har korte siktlinjer og det har vore mange nærare på ulykker her. Me ser at kryssa kan gjerast tryggare ved å flytta desse kryssa nærare Samfunnshuset, men områda må i så fall inngå i ein reguleringsplan først. Planarbeid her er ikkje prioritert i planstrategien, og må vurderast i neste kommunestyreperiode. Krattrydding kan hjelpa på sikta noko. Me tek merkningen til orientering.

5. **Austrheim kommune** har som kommentar at fylkesvegen ved seniorsenteret, kulturskolen og Nordliheimen skal få fortau, dette er det søkt om midlar til, og det er kome ei løyving på plass her i 2021/2022 her til dette arbeidet. Me tek merkningen til orientering.

6. **Austrheim kommune** ser det ikkje som naturleg at det vert 60/70 km/t fartsgrense frå Øksneskrysset til Åråsfeltet sjølv om dette vegstykket har gang- og sykkelfelt. Folk som brukar gang- og sykkelvegen kryssar fylkesvegen ein del stadar, ei 50 km/t her er fornuftig. Både idrettsbana og samfunnshuset vert mykje brukt av barn/ungdom heile året, det er og ferdsel til Joker og kyrkja her. Me tek merkningen til orientering.

7. **Austrheim kommune** ser at det er mange fartsskilt på strekninga Sætre/Budal – Mastrevikkrysset. Sidan dette er ein viktig pendlarveg på Fv. 565 bør ikkje den korte 60 km/t sona her skiltast ned til 50 km/t. Me tek merkningen til orientering.

3.Statsforvaltaren i Vestland. Merknadane deira er datert den 21.12.2021. Han skriv mellom anna følgjande:

Statsforvaltaren er positiv til at Austrheim kommune har utarbeidd ein trafikksekringsplan. Det er utarbeidd ein tiltaksliste utifrå ulykkesstatistikk og registrering av utryggjeik. Vi vil i tillegg tilrå kommunen å etablere system for registrering av nestenulykker og tillopp til ulykker for å få eit enda betre grunnlag for prioritering. Vi vil òg tilrå kommunen å etablere system for måling av effektar av

gjennomførte trafikktryggingstiltak. Vil vil også tilrå at grunnlaget for prioriteringane og vurdering av måloppnåing kjem klarare fram i plandokumentet.

Austrheim kommune sin kommentar er at om me får større kapasitet og meir menneskelege ressursar så vil me vurderer å laga ein oversikt over nestenulykker. Måling av effektar av gjennomførte trafikktryggingstiltak er at det ikkje skjer ulykker her. Grunnlaget for prioriteringane og vurdering av måloppnåing kjem klart fram i plandokumentet og i saksutgreiinga.

4. Vestland fylkeskommune avdeling for infrastruktur og veg. Merknadane deira er datert den 01.12.2021. Dei skriv mellom anna følgjande:

Austrheim kommune er ein pilotkommune som trafikkssikker kommune, resertifisert i 2021, og har gjennom mange år gjort mykje godt trafikkssikringsarbeid. Kommunedelplanen som no er til offentleg ettersyn er utarbeidd utan medverknad frå fylkeskommunen. I saksframlegget kjem det fram at de har hatt brei medverknad frå dei kommunale aktørane i samarbeidet knytt til trafikkssikker kommune. Det er positivt.

Vi saknar likevel medverknad frå andre etatar som er nemnt som samarbeidspartnarar i planen. Desse er Trygg trafikk, Politiet og Vestland fylkeskommune. Vi vurderer det slik at manglande medverknad frå desse har gjort at planen har blitt lite konkret. Ein god og heilskapleg trafikkssikringsplan bør vere forankra hjå alle partar sin skal bidra til gjennomføringa av planen. Ettersom kommunen lenge har vore langt framme i trafikkssikringsarbeidet, hadde vi forventa ein meir handlingskraftig plan som kan legge føringar for arealplanlegginga og det haldningsskapande arbeidet i kommunen. Vi saknar meir målretta tiltak mot organiseringa av trafikkssikringsarbeidet og det haldningsskapande arbeidet i kommunen. I tillegg til å liste opp kva tiltak som blir gjort av andre etatar, bør der framgå meir konkrete tiltak som kommunen sjølv skal gjere.

Det er svært positivt at de koplar trafikkssikringsarbeidet med folkehelsesatsingane i kommunen. Vi saknar likevel også i denne samanhengen breiare tiltak knytt til det haldningsskapande arbeidet og ikkje minst også vekt på organisatoriske tiltak. Det er heller ikkje laga kopling til Austrheim kommune si folkehelseoversikt. Kunnskapsgrunnlag utvikla av Norconsult bør koplast mot denne. Kommunen skriv i planen, under kap. 1.1 Historikk: «Dei største utfordringane har vore forankring i alle kommunen sine ledd, samt finansiering av ikkje-fysiske tiltak.». Samstundes er det nettopp på desse to punkta at planen verkar svakast. Trafikkssikringsplanen bør ha som ambisjon å vere eit styringsverktøy for heile trafikkssikringsarbeidet. Ut frå skildringa av det pågåande haldningsskapande arbeidet verkar det som at dette arbeidet, og dei som har ansvar for gjennomføringa av det, ikkje har vore tilstrekkeleg involverte i planprosessen, som nemnt over. Kommunen forsikrar om at de tar haldningsskapande arbeid på alvor, og «arbeidar aktivt med å styrka det haldningsskapande arbeidet i kommunen». Fylkeskommunen vil oppmoda kommunen til å synleggjere dette i trafikkssikringsplanen gjennom ein tydeleg plan og retning for det åtferdsretta og haldningsskapande arbeidet. Det vil også gi ein endå større legitimitet til dei gode tiltaka som vert gjennomført i dag, og styrka det haldningsskapande arbeidet inn mot kommunale budsjettprosessar.

Vidare er det breie trafikkssikringsarbeidet som Trafikkssikker kommune legg opp til, ikkje synleggjort i særleg grad i planen. Dei tiltak, prosedyrar og prosessar som kommunen jobbar etter, kan med fordel kome tydelegare fram av plandokumentet. Trafikkssikringsplanen kviler tungt på vegtiltak i innhald og oppbygging. Den breie tilnærminga som Trafikkssikker kommune gir til trafikkssikringsarbeidet bør tydelegare byggast inn i planen.

Oppsummering:

Vestland fylkeskommune vil oppmode om å gå ein runde til med dette plandokumentet. Dei største

utfordringane med planframlegget slik vi ser det, er den manglande medverknaden i prosessen fram mot ferdig trafikksekringsplan og at den ikkje har konkrete nok organisatoriske og haldningsskapande tiltak. Det er viktig at kommunen synleggjer at det å vere ein Trafikksikker kommune har konkret innverknad på kommunen sitt arbeid med trafikktryggleik.

Austrheim kommune sin kommentar:

Trygg Trafikk kom med gode innspel til oppstart av planarbeidet i sitt skriv den 16.02.2021. Dei skreiv mellom då: *Austrheim kommune er godkjent som ein Trafikksikker kommune, og me vil tilrå at ny plan framhevar korleis ein kan jobba vidare for å halda arbeidet varmt og korleis det heile kan vidareutviklast.* Vidare framheva Trygg Trafikk dette:

Kommunen bør utvikla konkrete og forpliktande trafikantretta tiltak, til dømes retta mot haldningar, åtferd, trafikkforståing og anna trafikkopplæring. Kommunen bør jobba på tvers med aktuelle sektorar og etatar og sikra medverknad frå aktuelle grupper. Om barn og unge er ei satsingsgruppe, kan medverknad i ein slik prosess i seg sjølv ha ein positiv verknad på haldningar og trafikkforståing. Det vil vera ei styrke om dette arbeidet vert godt forankra ikkje berre på toppleiarnivå, men også ut i aktuelle ledd i organisasjonen. Trygg Trafikk vil oppmoda kommunen om å nytta eigne forum, som t.d. ungdomsråd, råd for personar med funksjonsnedsetting og eldreråd, til å diskutera trafikktryggleik, med mål om å spreia kunnskap, få innspel, sikra medverknad og utvikla gode haldningar hjå innbyggjarane.

Trygg Trafikk vil oppmoda kommunen til å innarbeida relevante tiltak i planverk og verksemd for å følgja opp nasjonale mål for trafikktryggleik.

Vestland fylkeskommune kom med gode innspel til oppstart av planarbeidet i sitt skriv den 18.03.2021 og då skreiv dei mellom anna følgjande: *Det vil vera ein fordel om planprosessen er forankra i politisk og administrativ leiing, og vidare ut i dei ulike ledda i organisasjonen som saman skal bidra i trafikksekringsarbeidet.*

Medverknad var og tema her: *Medverknad er viktig for å gi planen legitimitet, både hjå innbyggjarar og politikarar. Og ikkje minst er medverknad viktig for dei som får moglegheita til å bli høyrd. Særleg er det viktig å sikra medverknad frå dei som er målgruppene i ts-arbeidet dykkar.*

Rus, høg fart og manglande bruk av bilbelte er faktorar vi finn att i mange av dei alvorlege ulykkene i landet. Å jobba for ei betre åtferd blant trafikantane våre er eit felles arbeid der kommunane sin innsats er viktig.

Vi vil råda til å prioritera tiltak på vegar som er viktig for barn og unge, som tilkomst til skule og idrettsanlegg. Det er eit nasjonalt mål at åtte av ti elevar skal gå eller sykla til skulen, og då må vegane vera lagt til rette for desse reisealternativa. Samstundes er det viktig å arbeida med haldningar og åtferd. Køyring av barn til og frå skulen skapar trafikkfarlege situasjonar ved mange skular.

Kommunen kan gjennom si rolle som arealforvaltar i stor grad sjølv påverka trafikktryggleiken ved å unngå utbygging i område langt unna viktige målpunkt og/eller utan infrastruktur for mjuke trafikantar. Det sikrar tryggare ferdslar til fots og på sykkel. Det bør også stillast rekkjefølgjekrav til utbyggjarar som sikrar trygge tilhøve for mjuke trafikantar. Det er viktig å sikra naudsynt areal til gang- og sykkeltiltak langs vegnettet, særleg der barn og unge ferdast.

Austrheim kommune meiner at innspela både frå Trygg Trafikk og fylkeskommunen på ein god måte er teke inn i kommunedelplanen. Pandemien har nok gjort at det har vore vanskeleg for fagfolk å møtast i høyringsperioden hausten 2021, det gjeld og planlagte folkemøte om temaet som vart

avlyste. Men fagfolka i kommunen innafor dette arbeidet, både lærarar, ungdomskoordinator, *avdelingsleiar teknisk drift* (vegsjef i kommunen), ordførar, planssjef og kommunalsjef skule/oppvekst har delteke aktivt i dette planarbeidet. Dette saman med konsulentar og fagfolk i verksemda Norconsult. Til saman har desse stor kunnskap om både haldningsskapande arbeid og fysiske ts-tiltak. Medlemmer i arbeidsgruppa har og i planprosessen søkt og fått midlar til både fysiske ts-tiltak og til haldningsskapande arbeid i Austrheim kommune. Etter søknad om tilskot til lokale trafikktryggingsarrangement - første tildeling 2022 i Trafikktryggingsutvalet den 10.01.2022 fekk Austrheim kommune tildelt 95.000 kroner til arrangementet **Trafikksikring i Austrheim – frå barnehage til vaksen**. Det haldningsskapande arbeidet har såleis starta godt i 2022 og gode haldningsskapande tiltak er no kome med i kommunedelplanen.

Austrheim kommune meiner me har fått med oss det vesentlegaste i merknaden til Vestland fylkeskommune. Me vil og framheva den gode medverknaden me har hatt i Austrheim kommune i planprosessen. Det gjeld dialog som medlemmer i arbeidsgruppa har hatt med bussjåførar, elevar, foreldre, ungdomsrådet, FAU, Eldrerådet, Rådet for menneske med nedsett funksjonsevne, privatpersonar og bygdelag/velforeiningar, totalt 21 innspel og til slutt 5 merknadar. Arbeidsgruppa har vore på synfaringar og møtt folk både heima, langs vegar og på skular/barnehagar. Det er vorte halde 6 møter i arbeidsgruppa. Det er ikkje naudynt å gå ein runde til med dette planarbeidet.

Det er viktig for Austrheim kommune å få ein levande kommunedelplan slik at arbeid med åtfærd, haldningar, men og fysiske tiltak for å betre trafikktryggleiken vert gjennomført. Dette arbeidet er i dag godt forankra i kommuneleiinga, men og i den politiske leiinga i kommunen. Austrheim kommune er godkjent som ein Trafikksikker kommune og me vart resertifisert i 2021. Såleis er dette arbeidet noko som ligg i ryggraden vår, både hjå tilsette og hjå mange innbyggjarar. Kommunen har 2900 innbyggjarar, men det er mykje trafikk gjennom kommunen som går til og frå Mongstad, Gulen og Fedje, men og til nabokommunane vår i sør, Alver og Bergen. Det viktigaste større t/s tiltaket no er å byggja heile eller deler av den regulerte gang-og sykkelvegen frå Mastrevik mot Kilstraumen på Fv. 565. Også rundkøyringa med g/s ved Leirvågkrysset er det viktig å få på plass.

Kommunedelplanen er vorte endra på ein del punkt etter at den har vore på offentleg ettersyn. Den er no vorte ein meir handlingskraftig plan som legg klare føringar for arealplanlegginga og det haldningsskapande arbeidet i kommunen. Den er og vorte meir målretta med tiltak for ein god organiseringa av trafikksikringsarbeidet og det haldningsskapande arbeidet i kommunen. Det er og kome med konkrete tiltak som kommunen sjølv skal gjere. Kommunedelplanen er no vorte konkret nok både på det organisatoriske og dei haldningsskapande tiltaka.

5.Lars Ivar Thorsen. Merknadane hans er datert den 18.11.2021. Thorsen skriv mellom anna følgjande: *Se vedlagt bilde, dette er veien mellom Veltec og Myklebust området, dette har alltid vært et utfordrende område trafikksikringsmessig, utfordrende for myke trafikanter å ferdes her, spesielt da skolebarn. Det mangler gangfelt, dårlig belysning deler av område.* Han skriver også at: *Parkeringsplasser er ikke i samsvar med antall biler/personell i området.* Thorsen ynskjer gangfelt her og lys ved gangfelt.


Austrheim kommune sin kommentar: Kommunen hadde kontakt med Veltec etter denne merknaden kom inn. Det vart gjennomført synfaring her og saka vart drøfta med verksemda Veltec.

Veltec svarte kommunen i e-post følgjande den 24.11.2021: *Veltec er svært bevisst på at trafikkbilde i og rundt rundkjøring er svært høy noe som er naturlige forhold til næringsliv og aktivitet på Mongstad. Myke trafikanter er godt ivaretatt fra Mongstad rundkjøring og mot Fonnes. Motsatt vei er det heller dårlig forhold både i forhold til gang og sykkelvei og fotgjengerfelt i et område med mye*

tung trafikk.

Veltec har gjennomført tiltak i forhold til parkering ved å låne ekstra område til avlastnings parkering vekk fra det mest trafikkerte området. Tung transport skal fortrinns vis følge Mongstad veien, forbi Litlås veien og ta inn ved verkstedet til Westpiping og tilbake bakvei inn for vareleveranse Hos Veltec. Veltec har gitt Equinor tilbakemelding om stor trafikk belastning i området. Veltec har kjennskap til at grunneier tidligere har hatt god dialog med kommunen. Veltec mener derfor at denne henvendelsen som går på trafikk sikring må gå til grunneiere i gjeldende område.

I samband med rekkefølgekrav i reguleringsplan for **Mongstadporten aust gbnr. 130/93, planid. 2014003** må det gjennomførte tiltak knytt til gangveg før ny utbygging kan skje. Planen vart godkjent i kommunestyret den 28.06.2016. Føresegn for området er: **Gang- og sykkelveg o_GV1 må være bygd før det blir gitt igansettingstillatelse til nye bygg i planområdet.**



Plankart over området viser regulert gangveg og annen infrastruktur

Austrheim kommune tek elles merknaden hans til orientering.

Vurdering:

Kommunedirektøren er glad for at forslag til **Kommunedelplan for trafikksikring for Austrheim kommune 2022-2030** no er klar til å godkjennast. Arbeidsgruppa har drøfta og handsama merknadane som er kome inn, den oppdaterte kommunedelplanen viser prioriteringane av desse. Nokon merknadar er teke til orientering, desse er vist under **Austrheim kommune sin kommentar** til merknadane over.

Trafikktryggleikstiltak i denne planen skal innarbeidast i økonomiplanen. Samtidig skal tiltak som går over fleire år, samt tiltak med oppstart i handlingsplanperioden prioriterast i budsjettet kvart år frå 2022 til og med 2030. Kommunedirektøren har saman med einingsleiarar ansvaret for å innarbeide utgiftene innanfor sine budsjettområde. Kommunedirektøren vil peika på at arbeid med trafikktryggleik for alle er eit viktig folkehelseiltak. Denne kommunedelplanen har fokus på

helseperspektivet som er eit satsingsområde for kommunen. Utfordringa for det kommunale trafikktryggleiksarbeidet er å få satt temaet på den politiske dagsorden. Det er viktig å sikre at trafikktryggleiksplanen blir følgt opp og at tiltaka vert gjennomført framover. Under utarbeiding av Austrheim kommune sine kommunedelplan her har samordning med overordna regionale og statlege planar vore i fokus.

Kommunedirektøren vil understreka at Austrheim er pilotkommune som trafikkssikker kommune, kommunen vart resertifisert i 2021, det forpliktar oss framover. Målet vårt er 0-visjonen. Nullvisjonen er at det er moralsk og etisk uakseptabelt at folk vert drept eller hardt skadd i trafikkulykker. Kommunedirektøren synes kommunedelplanen for trafikkssikring er godt gjennomarbeid. Det at alle innspela og merknadane er drøfta i arbeidsgruppa på ein god og grundig måte er viktig i slike planprosessar. Det er og positivt at ungdommane er teke med på råd i dette planarbeidet, dei har kome med mange innspel. Prioriteringane er drøfta og konklusjonane i arbeidsgruppa har verksemda Norconsult teke inn planforslaget. Det same har arbeidsgruppa gjort etter at planen har vore på offentleg ettersyn og som no er klar til godkjenning.

Utifrå ulykkesstatistikk og registrering av utryggleik er det utarbeida ei tiltaksliste for planen. Dette er både fysiske og haldningsskapande tiltak. Kommunedirektøren synes denne er god og oversiktleg. Det er og positivt at tiltak i forrige trafikkssikringsplan er med, der det også er ein oversikt over kva status er for tiltaka som har vore med her. Effekt av ulike tiltak og kostnader av ulike tiltak er og på ein god måte vist i planforslaget. Statistikken over ulykkene i Austrheim kommune syner at rundt 75 % av ulukkene er utforkøyrings- og møteulukker. Dette tyder på at det ikkje er enkeltpunkt/kryss som er særskilt utsett. Heller er det trafikantane sjølv som truleg er hovudårsaka til ulukkene. Dette stemmer godt overeins med forskning frå landet elles.

For å betre åtferd blant trafikantane bør kommunen difor også sjå på ikkje-fysiske tiltak. Dette er først og fremst haldningsskapande arbeid i form av opplæring og informasjon. Haldningsskapande tiltak er også svært viktig for andre grupper enn sjåførane. Særskilt viktig er det at born og ungdom lærer seg gode trafikkvanar. Frå 2022 år legg ungdomsskulen opp til valfaget **Trafikk**. Dette er eit viktig steg i haldningsarbeidet opp mot ungdom. Kommunedirektøren synes det er positivt at det som vert gjort i kommunen er kome med på ein god måte under kap 5.5.1.

Austrheim kommune har ei viktig rolle i trafikkssikringsarbeidet som vegeigar, barnehage- og skuleeigar, arbeidsgjevar, kjøpar av transporttenester, samt ansvarleg for innbyggjarane si helse og trivsel. Kommunedirektøren vil framheva at kommunen i lengre tid har arbeida systematisk med trafikkssikringsarbeidet. Me har i samarbeid med Trygg Trafikk blitt godkjent som Trafikkssikker Kommune. Dette betyr at alle delar av organisasjonen skal arbeide med trafikkssikringsarbeidet og ha rutinar og system som varetek trafikktryggleiken i organisasjonen.

Det er og viktig at Austrheim kommune aktivt framover søker om midlar til trafikkssikringstiltak, men og utfordrar statlege og fylkeskommunale instansar til å prioritera slike tiltak både økonomisk og ressursmessig framover. Ein slik kommunedelplan vert laga for å få på plass handling som bidreg til betre trafikktryggleik for alle i Austrheim kommune. Tiltak som er kome med etter merknadshandsaminga er no teke inn i kommunedelplanen. Kommunedirektøren meiner at Kommunedelplan for trafikkssikring for Austrheim kommune 2022-2030 datert 24. mars 2022 kan godkjennast slik den ligg føre.

Konklusjon:

Kommunedelplan for trafikkisikring for Austrheim kommune 2022-2030 datert 24. mars 2022 kan godkjennast.

Sakspapir

Saksnr	Utvalg	Type	Dato
023/22	Formannskapet	PS	24.02.2022
021/22	Kommunestyret	PS	07.04.2022

Sakshandsamar	Arkiv	ArkivsakID
Bjørnar Fjellhaug	FE-002	22/246

Revidering av reglement for folkevalde organ i Austrheim kommune

Vedlegg

Framlegg til nytt reglement for politiske organ i Austrheim kommune
Framlegg til nytt reglement for politiske organ i Austrheim kommune
Det politiske styringssystemet i Austrheim. Reglement, vedtekter m.m
Det politiske styringssystemet i Austrheim. Reglement, vedtekter m.m
Reglement for politisk tingingsutval
Reglement for politisk tingingsutval

Framlegg til vedtak:

Kommunestyret vedtek «Reglement for folkevalde organ i Austrheim kommune» slik det ligg føre.

Kommunestyret ber kommunedirektøren koma attende med eiga sak om politisk styringsmodell i løpet av hausten.

Formannskapet - 023/22 - 24.02.2022

FS - behandling:

Fungerande kommunedirektør i dette møtet, Thomas Lindås, orienterte om saka. Dette er ei oppdatering i samband med nytt lovverk, kommande streaming av politiske møte, med meir. Til hausten vil ein starta arbeidet med å vurdere ny politisk organisering/utvalsmodellen.

Handsaming i formannskapet:

Kommunedirektørens framlegg til vedtak vart samrøystes vedteke.

FS - vedtak:

Formannskapet rår kommunestyret til å vedta «Reglement for folkevalde organ i Austrheim kommune» slik det ligg føre.

Kommunestyret ber kommunedirektøren koma attende med eiga sak om politisk styringsmodell i løpet av hausten.

Kommunestyret - 021/22 - 07.04.2022

KS - behandling:

Kommunedirektør Bjørnar Fjellhaug orienterte om saka.

- Til hausten 2022 kjem det ei sak om den politiske styringsstrukturen. Endringar må eventuelt vera vedtekne året før valet, og det neste kommunestyrevalet er i 2023.
- Desse reglementa er no samla i eit felles reglement, med unntak av reglementet for godtgjering, som ligg som eit eige.

Anne Dahle Austrheim (KrF) sa at det er positivt med eit samla reglement. Det er bra med å få orden på møtelengda. Elles står det i dagens reglement at det skal vera to årlege spørjetimar, det kan vera bra å ha i kalenderen for å strukturera og samla opp spørsmål.

Handsaming i kommunestyret:

Kommunedirektøren sitt framlegg vart samrøystes vedteke

KS - vedtak:

Kommunestyret vedtek «Reglement for folkevalde organ i Austrheim kommune» slik det ligg føre.

Kommunestyret ber kommunedirektøren koma attende med eiga sak om politisk styringsmodell i løpet av hausten.

Saksopplysninger:

Bakgrunn

«Reglement for folkevalde organ i Austrheim kommune» har vore oppdatert ulikt i perioden og for nokre av utvala. Reglement for kommunestyret vart vedteken i 2013 og sist revidert i februar 2019. Etter denne tid har det kome ny kommunelov. Det har ikkje vore gjort endringar i reglementa for dei politiske styringsorgana etter at ny kommunelov vart sett i verk i 2020.

Etter kommunelova §5-13 heiter det:

Reglement for folkevalgte organer

Folkevalgte organer skal ha et reglement som fastsetter

- a) *organets virkeområde og eventuelle vedtaksmyndighet*

b) *tidsperioden som organet er opprettet for*

c) *eventuelle andre sentrale bestemmelser om organets virksomhet.*

Plikten etter første ledd gjelder ikke representantskap og andre styringsorganer for interkommunalt politisk råd, representantskap og andre styringsorganer for kommunalt oppgavefelleskap og styre for kommunalt eller fylkeskommunalt foretak.

I §5-14 heiter det at kommunestyret og fylkestinget fastset sjølv eit reglement for korleis vedtaktsmynde og innstillingsrett skal delegerast. Dette skal gjerast innan 31. desember året etter at kommunestyret og fylkestinget vart konstituert. Det sist fastsette reglementet og eventuelle andre vedtak om delegering og innstillingsrett gjeld inntil eit nytt reglement er fastsett.

Det har ikkje vore gjort endringar i perioden og det har nok vore ulike årsaker til at dette ikkje har vore gjort.

Ein ser at det er naturleg at vi har eit oppdatert reglement som er i tråd med kommunelova, delegeringsreglement og dei vedtak som har vore gjort i tidlegare vedtak.

Ein samlar no alle reglement for politiske organ i Austrheim kommune i same reglement. Ein legg ved dei gamle dokumenta slik at ein kan sjå kva som pr i dag er gjeldande, men ein har gjort dei endringar som i stor grad er i tråd med dei vedtak som er gjort sidan reglementa blei vedtekne, samstundes som ein også har foreinkla og gjort reglementa i tråd med kommunelova.

Føremålet med reglementet er at det skal vise gangen i den politiske sakshandsaminga og kva reglar som gjeld for kvart råd og utval. Reglementet er derfor bygd opp med ein generell del som i all hovudsak gjeld for alle politiske utval i tillegg til særskilte reglar som berre gjeld for det aktuelle utvalet.

Reglementet erstattar tidlegare vedtekne reglement for førre kommunestyreperiode for alle råd, utval og nemnder som er nemnt i dette reglementet.

Enkelte reglement, som t.d. reglementet til ungdomsrådet vert revidert oftare enn ved kvar kommunestyreperiode. Eventuelle endringar i reglementa som skjer utanfor ny kommunestyreperiode, blir teke inn dette reglementet. Korrigeringar av ikkje prinsipiell avgjerd kan skje.


Revisjon av reglementet skal skje innan 31.12 det året det er kommunestyreval.

Retningslinjer for ungdomsrådet vart vedteke i KS 11.11.2021.

Den politiske organiseringa skal legge til rette for demokratisk styring av kommunen, gode arbeidsvilkår og interessante oppgåver for dei folkevalde og engasjement frå innbyggjarane.

Den politiske strukturen skal legge til rette for at dei folkevalde kan engasjere seg i saksområde dei er særskilt opptekne av, og at kompetansen i dei ulike organa vert brukt til å oppnå gode avgjerdar.

Austrheim kommune har følgjande styringsmodell for kommunestyreperioden 2019-2023:



Eventuell endring i styringsmodell må gjerast innan utgangen av året før valåret. Kommunedirektøren vil koma med eiga sak om dette til hausten.

Reglementet tek også med etiske retningslinjer som er vedtekne for tilsette og folkevalde i Austrheim kommune. I tillegg ligg det kva som er til ordførar/varaordførar og reglement for gjennomføring av digitale fjernmøter.

I løpet av våren vil vi starte streaming av politiske møter i kommunestyret og formannskapet. Det er difor også viktig å presisere at vi har oppdaterte reglement og det er viktig då det er formelle møter og legitimitet til forvaltninga og den politiske handsaminga.

Reglement for «Folkevalde sine arbeidsvilkår og godtgjersle» vart vedteken i kommunestyret 18.juni 2020 og gjort gjeldande frå 01.januar 2020.

Lenkje til kommunelova finn du [her](#).

Lenkje til kommunen sitt delegeringsreglement finn du [her](#).

Vurdering

Kommunedirektøren vurderer at det er viktig å revidere og oppdatere reglement og retningslinjer for politiske organ i Austrheim, slik at desse er i tråd med kommunelova, delegeringsreglement og politiske styringsmodellen.

Ei revidering av reglementet vil koma opp etter nytt kommuneval hausten 2023.

Økonomi

Endringane vil ikkje få nokon økonomiske konsekvensar utover dei som allereie er vedtekne.

Konklusjon

Kommunedirektøren tilrår at kommunestyret vedtek «Reglement for folkevalde organ i Austrheim kommune» slik dei ligg føre.

Kommunedirektøren vil koma attende med ei eiga sak om politisk styringsmodell for neste kommunestyreperiode i løpet av hausten.

Sakspapir

Saksnr	Utvalg	Type	Dato
030/22	Formannskapet	PS	24.03.2022
022/22	Kommunestyret	PS	07.04.2022

Sakshandsamar	Arkiv	ArkivsakID
Rolf-Henning Myrmel	FA-M00	22/349

Auka investeringsramme VA

Framlegg til vedtak:

Austrheim kommunestyre gjev prinsippvedtak om å auka ramma for investering på VA for 2022 til kr. 19,1 mill og ber kommunedirektøren gjere justeringa ved tertialjustering våren 2022.

I tillegg til det arbeidet som er planlagt innan VA-området i 2022, skal anlegg for vidareføring av kommunalt vatn frå Solend til Førland prosjekterast i 2022, og anlegget skal byggjast i 2023.

Kommunestyret ber om at kommunedirektøren kjem tilbake med ei sak om vidareføring av kommunalt vatn frå Solend til Førland, og seinare vidareføring som ein ringleidning til Austrheim.

Formannskapet - 030/22 - 24.03.2022

FS - behandling:

Einingsleiar teknisk drift, Rolf-Henning Myrmel, orienterte om saka.

- Nye vassrøyr Utkilen - Mastrevik til Austrheimhallen skal pluggkjørast fredag 25. mars og reinsast med klor, men 12.30 er dette ferdig og sett trykk på. Bra å ha ferdig til påske, når ein veit at forbruket går opp i helgedagar.
- Jobbar med anbod på pumpestasjonar kloakk fleire stader.
- Treng å utvida ramma som det lagt opp til, for å kunna bygga ut slik det er lagt opp til.
- Får ein signal om utvida ramme, skriv ein kontrakt alt 25/3

Handsaming i formannskapet:

Formannskapet vedtok samrøystes kommunedirektøren sitt framlegg til vedtak, som er ei tilråding til kommunestyret.

FS - vedtak:

Austrheim kommunestyre gjer prinsippvedtak om å auka ramma for investering på VA for 2022 til kr. 19,1 mill og ber kommunedirektøren gjere justeringa ved tertialjustering våren 2022.

Kommunestyret - 022/22 - 07.04.2022

KS - behandling:

Einingsleiar teknisk drift, Rolf Henning Myrmel, orienterte om saka.

Ordførar Per Lerøy (Ap) la fram nytt framlegg til vedtak, med slik ordlyd: «I tillegg til det arbeidet som er planlagt innan VA-området i 2022, skal anlegg for vidareføring av kommunalt vatn frå Solend til Førland prosjekterast i 2022, og anlegget skal byggjast i 2023.». Lerøy sa at dette er noko kommunestyret har diskutert og vist til før, men det er ikkje lagt inn i planane. Er sagt at etter ny vassleidning kom frå Vardetangen til vasstårnet, var det Solend/Førland som stor for tur. Helge Dyrkolbotn (KrF) spurte om administrasjonen i det heile har tid til dette arbeidet med prosjektering i 2022.

Kommunedirektør Bjørnar Fjellhaug ba om å få komma tilbake til dette seinare.

Anne Dahle Austrheim sa at dette handlar om store investeringar, ikkje rett å ta det inn i ei anna sak om auka investeringsramme til VA.

Aslak Andre Bakke (H) spurte om vassframføring til Austrheim, her svara Rolf Henning Myrmel at vassleidning til Førland må dimensjonerast slik at det kan bli ein ringvassleidning mot Austrheim. Om det skulle komma brot på eksisterande leidning frå høgdebassenget til Austrheim vil det ta vatnet frå heile ytre delen av Austrheim.

Myrmel sa at ein no må ta opp igjen hovudplanen for VA, og få denne oppdatert til eit godt verktøy for den vidare utbygginga.

Per Lerøy omformulerte vedtaket til tillegg, til denne ordlyden: «Kommunestyret ber om at kommunedirektøren kjem tilbake med ei sak om vidareføring av kommunalt vatn frå Solend til Førland, og seinare vidareføring som ein ringleidning til Austrheim».

Reidar Øksnes (Sp) og Anne Dahle Austrheim (KrF) spurte begge om kor mykje løyvinga til VA er auka. Det står i vedtaket å auka til 19 millionar, men står ikkje kor mykje auken er. Her svara økonomisjef Odd Harald Dommersnes at det er 15 millionar meir enn det langtidsbudsjettet som var lagt.

Handsaming i kommunestyret:

Kommunedirektøren sitt framlegg vart samrøystes vedteke

Det redigerte tillegget frå ordførar Per Lerøy (Ap) vart samrøystes vedteke.

KS - vedtak:

Austrheim kommunestyre gjev prinsippvedtak om å auka ramma for investering på VA for 2022 til kr. 19,1 mill og ber kommunedirektøren gjere justeringa ved tertialjustering våren 2022.

Kommunestyret ber om at kommunedirektøren kjem tilbake med ei sak om vidareføring av kommunalt vatn frå Solend til Førland, og seinare vidareføring som ein ringleidning til Austrheim.

Saksopplysninger:

Bakgrunn

Austrheim kommune står framfor store investeringar på VA. For å kunne gje byggeløyve for nye hus i kommunesenteret/Åråsfeltet må nye pumpestasjonar for avlaup byggast. Ein er i sluttfasen på oppgradering av Kalandsfeltet og vass og avlaupsleidning frå Utkilen til idrettshallen der den vert knytt til eksisterande anlegg.

Avlaup sektoren er no flaskehalsen for vidare utbygging. Ein har no fått inn tilbod på ny pumpestasjon i Åråsvågen og pumpestasjon til Solen. I tillegg vil no Kystlandsbyen starte opp igjen bygging og ein må derfor få på plass pumpestasjon i Breivika, her ligg det ein utbyggingsavtale med kommunen.

Prosjekter:

Kalandsfeltet	Kr. 2.200.000	Sum fakturerast 2022.
Utkilen – Idrettshall	Kr. 5.300.000	Tilbod, Sum fakturerast 2022.
Åråsvågen pumpestasjon.	Kr. 2.400.000	Tilbod
Grunnarbeid Åråsvågen	Kr. 2.800.000	Tilbod
Solen pumpestasjon	Kr. 1.500.000	Tilbod
Breivika pumpestasjon	Kr. 2.400.000/2	Stipulert.(50% Kystlandsbyen)
Ny pumpeleidning Blodvika	Kr. 2.700.000	Stipulert
Norconsult prosjektering	Kr. 500.000	Stipulert
Byggeleing	Kr. 500.000	Stipulert
Investeringsbehov 2022	Kr 19.100.000	

I tillegg må rensestasjonen i Blodvika oppgraderast, kostnad her er stipulert til ca 10 mill. Den må inn på investeringsbudsjett for 2023,

I følge økonomireglementet vert investeringa justert ved tertialjustering. Det er viktig no å få eit prinsippvedtak om at dette skal gjerast og kommunedirektøren vil leggje det til grunn i

Vurdering

Kommunedirektøren ber Austrheim kommunestyre auka ramma for investering på VA for 2022 til kr. 19,1 mill . Dette er eit viktig miljøtiltak og må utførast for å kunne gje nye byggeløyve i kommunesentrum. Desse stasjonane må byggast før Mastrevikområdet og kan knyttast til.

Kommunedirektøren ber om prinsippvedtak om at ramma skal aukast og vil gjere dei naudsynte justeringa ved budsjettjustering våren 2022 og vil implementerast i denne.

Økonomi

Kostnad vert dekkja på sjølvkostområde for VA.

Konklusjon

Austrheim kommunestyre gjev prinsippvedtak om å auka ramma for investering på VA for 2022 til kr. 19,1 mill og ber kommunedirektøren gjere justeringa ved tertialjustering våren 2022.

Sakspapir

Saksnr	Utvalg	Type	Dato
037/22	Formannskapet	PS	24.03.2022
023/22	Kommunestyret	PS	07.04.2022

Sakshandsamar	Arkiv	ArkivsakID
Odd Harald Dommersnes	FE-613	21/1010

Sal av eigedommar frå Austrheim kommune til Austrheim kommunale eigedomsselskap AS (AKE)

Vedlegg

Rapport_Vardevegen 66
Report Austrheimvegen 1010
Meglers_verdivurdering_Austrheimsvegen1010 (003)
Rapport_Vardevegen 62
Rapport_Vardevegen 64
Rapport_Åråsvågmyra 14
Rapport_Åråsvågmyra 26
Rapport_åråsvågmyra 28
Rapport_Åråsvågmyra 30
Rapport_Breivikvegen 4
Rapport_Breivikvegen 8
Rapport_Åråshøgda 38
Rapport_Setenesvegen 48
Rapport_Austrheimvegen 1021
Rapport_Austrheimvegen 1023
Rapport_Austrheimvegen 1025
Prosjektrapport Strategisk eigedomsforvaltning (L)(197807) (003)

Framlegg til vedtak:

1. Austrheim kommunale eigedomsselskap (AKE) overtek dei kommunale bustadane til marknadstakst. For å finansiere dette oppkjøpet tek eigedomsselskapet opp eit lån på kroner 51,6 millionar kroner. Austrheim kommune stiller som garantist for dette låneopptaket. Dato for å overdraging av eigedomane vert sett til 01.05.2022

2. Austrheim kommune skyt inn 8 millionar kroner i Austrheim kommunale eigedomsselskap for å styrkja eigenkapitalen i selskapet, i tillegg vert delar av desse midlane nytta til å skifte ut kloakken i Vestlia.
3. Av salsbeløpet frå sal av eigedomane blir det sett av med 25 millionar til bunde fond for utbygging/opprusting av skulane. Dei resterande midlane blir nytta til ei ekstraordinær betaling av lån tilhøyrande Austrheim kommune.
4. Det vert etablert eit avtaleverk som regulerer samhandlinga mellom Austrheim kommune og Austrheim kommunale eigedomsselskap.

Formannskapet - 037/22 - 24.03.2022

FS - behandling:

Økonomi- og personalsjef Odd Harald Dommersnes gjorde greie for saka, med ein gjennomgang av saksutgreiinga.

Ordførar Per Lerøy (Ap) sa at det er lagt opp til eit fysisk møte med kandidatar til styret i Austrheim kommunale eigedomsselskap (AKE), og deretter skal det vera ekstraordinær generalforsamling tidleg i april for å velja nytt styre.

Handsaming i formannskapet:

Samrøystes for kommunedirektøren sitt framlegg til vedtak.

FS - vedtak:

1. Austrheim kommunale eigedomsselskap (AKE) overtek dei kommunale bustadane til marknadstakst. For å finansiere dette oppkjøpet tek eigedomsselskapet opp eit lån på kroner 51,6 millionar kroner. Austrheim kommune stiller som garantist for dette låneopptaket. Dato for å overdraging av eigedomane vert sett til 01.05.2022
2. Austrheim kommune skyt inn 8 millionar kroner i Austrheim kommunale eigedomsselskap for å styrkja eigenkapitalen i selskapet, i tillegg vert delar av desse midlane nytta til å skifte ut kloakken i Vestlia.
3. Av salsbeløpet frå sal av eigedomane blir det sett av med 25 millionar til bunde fond for utbygging/opprusting av skulane. Dei resterande midlane blir nytta til ei ekstraordinær betaling av lån tilhøyrande Austrheim kommune.
4. Det vert etablert eit avtaleverk som regulerer samhandlinga mellom Austrheim kommune og Austrheim kommunale eigedomsselskap.

Kommunestyret - 023/22 - 07.04.2022

KS - behandling:

Økonomi- og personalsjef Odd Harald Dommersnes orienterte om saka, og gjekk gjennom framlegget til vedtak. Inntektene frå salet skal nyttast mellom anna til investeringar i skule og kloakkanlegg Vestlia. Kommunen har i dag ein gjeldsgrad på 93 prosent, medan måltalet i økonomireglementet er 85 prosent. Finansiering ved sal av eigedommar skal få ned låneopptaket.

Helge Dyrkolbotn (KrF) orienterte på vegner av valnemnda om arbeidet med å få på plass eit nytt styre i det nye Austrheim Kommunale Eigedomsselskap. Har vore i møte med kandidatar for dette styret. No er det viktig å få gjort eit prinsippvedtak om dette salet, så kan ein i neste omgang få eit ja eller nei frå desse kandidatane. Uansett er det slik at ein har eit styre for selskapet i dag, slik at dette vedtaket vert ikkje gjort i lause lufta.

Ordførar Per Lerøy (Ap) sa at dei som er tenkt ei rolle i styret er positive til dette salet frå kommunen og til eigedomsselskapet.

Reidar Øksnes (Sp) sa at valnemnda no har gitt si innstilling, og sa seg spørjande til om valnemnda bør vera med vidare i dette arbeidet. Øksnes sa vidare at ein bør seia noko i vedtaket om selskapet ikkje er heilt på plass enno, slik at det framgår kvar ein er i prosessen.

Helge Dyrkolbotn (KrF) sa at det er dette mandatet valnemnda har fått, og det bør valnemnda fullføra fram til å spørja desse kandidatane endeleg.

Økonomi- og personalsjef Odd Harald Dommersnes sa at dersom ein stoppar dette salet så kan ein ikkje starta skuleutbygginga, for det ligg i budsjettet at det skal seljast eigedommar for å finansiera det prosjektet. Her svara Øksnes (Sp) at dersom dette har lagt som ein føresetnad heile vegen så burde kommunestyret ha fått vita om det tidlegare.

Kommunedirektør Bjørnar Fjellhaug svara Øksnes og sa det har lagt i budsjettsaka at dette salet er grunnlaget for å finansiera skuleutbygginga, det ikkje noko som var skjult der. Eller er skuleprosjektet ute på anbod no, spente på kva prisar som kjem inn der etter påske.

Økonomi- og personalsjef Dommersnes sa at ein treng vedtak her for å komma vidare, der ein i neste omgang skal ut i låne marknaden for å sjå om ein kan henta inn 51 millionar i lån til dette kjøpet.

Aslak André Bakke (H) sa at valnemnda har jobba med å få på plass på desse kandidatane, og har fått gode namn. Dette er rett måte å gjera dette for å driva selskapet, med mellom anna med tanke på vedlikehald av bygningane.

Bjørn Inge Håland Dyrkolbotn (Sp) sa at han generelt er positiv til salet, men spurte om det er endringar for dei som jobbar i Vestlia. Her svara kommunedirektøren at det ikkje vil bety noko for dei som jobbar i Vestlia kven som eig bygget.

Handsaming i kommunestyret:

Kommunedirektøren sitt framlegg vart samrøystes vedteke

KS - vedtak:

1. Austrheim kommunale eidegdomsselskap (AKE) overtek dei kommunale bustadane til marknadstakst. For å finansiere dette oppkjøpet tek eidegdomsselskapet opp eit lån på kroner 51,6 millionar kroner. Austrheim kommune stiller som garantist for dette låneopptaket. Dato for å overdraging av eidegdomane vert sett til 01.05.2022
2. Austrheim kommune skyt inn 8 millionar kroner i Austrheim kommunale eidegdomsselskap for å styrkja eigenkapitalen i selskapet, i tillegg vert delar av desse midlane nytta til å skifte ut kloakken i Vestlia.
3. Av salsbeløpet frå sal av eidegdomane blir det sett av med 25 millionar til bunde fond for utbygging/opprusting av skulane. Dei resterande midlane blir nytta til ei ekstraordinær betaling av lån tilhøyrande Austrheim kommune.
4. Det vert etablert eit avtaleverk som regulerer samhandlinga mellom Austrheim kommune og Austrheim kommunale eidegdomsselskap.

Saksopplysninger:

Bakgrunn

Austrheim kommunale eidegdomsselskap (AKE) er eit selskap som er 100 % eigd av Austrheim kommune. Norske kommunar vel å forvalte, drifte og vedlikehalde eidegdomsmassen sin på ulikt vis og gjennom ulike organisasjonsformer. Uansett organisasjonsform er målsetjinga vanlegvis den same. Eigaren, kommunestyret, ønskjer eit heilskapleg blikk på den kommunale eidegdomsmassen, og ein ynskjer minimum og nå to målsetjingar; 1) stille med føremålstenlege bygg/bustadar for dei tenester som kommunen skal yte til innbyggjarane og 2) sørge for profesjonalitet/effektivitet i både forvaltning, drift og vedlikehald av eidegdomsmassen.

Kommunane organiserer i all hovudsak eigendomsforvaltninga si innanfor tradisjonelle former. Ei utfordring for kommunal eigendomsforvaltning har vore knyta til manglande vedlikehald av eidegdomsmassen. Det kan vere ulike årsaker til dette, men Eikelandutvalet (NOU 2004:22) poengterte at ei forklaring syner å ligga i strukturelle trekk ved den årlege budsjetthandsaminga i kommunane – i prioriteringa mellom kortsiktige driftstiltak og langsiktige førebyggjande tiltak, favoriserast kortsiktige.

Fokus i utgreiingane i samband med organisering av føretak har vore at eidegdom er ledd i den kommunale tenesteproduksjonen, m.a.o. eigendom vert brukt som eit verkemiddel for å oppnå andre mål innan kommunal tenesteproduksjon. I tillegg kjem oppgåver knyta til utvikling av eidegdom som ledd i utvikling av kommunen, noko som omfattar tilretteleggjing for bustadbygging og næringsverksemd.

Drøfting

Ei føremålstenleg organisering av eigendomsforvaltninga

Kommunal eigendomsforvaltning inneber eit sett med ulike roller som ligg til grunn for forvaltninga,

og som presenterer eit mogelegheitsområde knyta til organisasjonsform for utvikling, drift og vedlikehald.

Ei god organisering legg grunn for god fagleg kompetanse på alle nivå i eigedsforvaltninga, godt samarbeid og ei god gjensidig rolleforståing med klåre ansvarstilhøve i trekanttilhøvet mellom rollene som tek i vare funksjonane eigarskap (folkevald), forvaltning – drift – vedlikehald – utvikling (FDVU) og bruk av bygningane.

Har Austrheim kommune den bustadmassen vi treng, med rett lokalisering, dimensjonering, standard og fysiske utforming? Ulike brukarinteresser, faglege interesser og lokale interesser må balanserast i høve til ressursbruk og politiske mål for utviklinga i kommunen.

Austrheim kommune sin eigedsportefølje kan grupperast i tre kategoriar:

(1) grunneigedommar/tomteareal

(2) bustadar

(3) tenestebbygg (eller føremålsbygg).

Det kan vere føremålstenleg å leggje denne inndelinga til grunn for organiseringa av eigedsforvaltninga i Austrheim kommune. For kommunar som Austrheim, kan det kanskje vere viktig å halde funksjonane samla, for å ha det best mogeleg grunnlaget for kompetanseutvikling, særleg på områder som krev særskild kompetanse i eigedsforvaltninga.

God eigedsforvaltning er å gje brukarane gode og effektive bustadar til lågast mogeleg kostnad. Dette inneber å skape best mogeleg rammevilkår for brukarane sine bustadar over tid.(NOU 2004:22) Dei to små orda «over tid» rommar ei viktig erkjenning. Bustadar må planleggjast som oftast med sikte på lang levetid. Det handlar om at det å tenkja langsiktig blir eit grunnleggjande perspektiv som er knyta til eigarskapet. I svært mange samanhengar blir dei langsiktige konsekvensane av dei vala eigar må gjera, viktig å inkludere, for å kunne gjera kloke val.

Vedlikehald

Eit langt tidsperspektiv er eit grunnleggjande eigarperspektiv , trongen for eit langt perspektiv i eigedsforvaltninga har ikkje berre bakgrunnen sin i skiftande krav, men også i konsekvensane av det eigar vel å gjera eller unnlate å gjera. Vedlikehald er krondømet på dette.

Vedlikehald er nødvendig for å unngå gradvis forfall. Forsømer ein vedlikehaldet, vil det i staden komma auka kostnader til reparasjonar og akutte tiltak når forfallet resulterer i kritiske situasjonar, som lekkasjar, samanbrot, uakseptabelt innemiljø osv. På denne måten vil ei underbudsjettering av vedlikehaldet kunne gje eigar auka kostnader i eit langsiktig perspektiv. Då oppstår det paradokset at rekneskapsførte «vedlikehaldskostnader» ligg på eit høgt nivå, samstundes som bustadane viser ein

dårleg tilstand.

På fleire av dei av bustadane som tilhøyrar Austrheim kommune kan ein sjå at ein har hatt for lite midlar for å unngå gradvis forfall, ein har ikkje hatt økonomi til å unngå dette. Det kjem òg fram i vedlagte takstar for dei aktuelle einingane at for nokre av bustadane så er forfallet starta. Det er ikkje for seint å snu dette, men det vil krevja både meir økonomiske midlar og kapasitet til å utføra dette planmessige vedlikehaldet.

KS skriv fylgjande i eit oppslag på nettstaden sin, 22.02.2011, under overskrifta «Realkapital, vedlikehald og handlefridom. For eigaren er det derfor viktig å tenkja langsiktig.

Det såkalla livssyklusperspektivet tyder blant anna at kostnader og verdiskaping ikkje berre må vurderast for sine umiddelbare konsekvensar, men sjåast i samanheng med kostnader og verdiskaping over dei åra bustaden skal vere i bruk, når den skal avviklast og endeleg ved sal eller riving. Jo lengre fram ein prøver å sjå, desto meir usikre blir vurderingane, både når det gjeld inntekter og kostnader. Dessutan vil dei beløpa vi anslår, kostnader eller inntekter som kan oppstå om mange år, reduserast monaleg når det blir rekna om til noverdi. Sagt på ein annan måte, dersom nytta av eit tiltak fyrst oppstår om 20 år, må ei krone investert i dag gje ei avkastning (inntekt eller kostnadsinnsparing) på 2–3 kroner om 20 år for å vere ei lønnsam investering, avhengig av kva forrenting vi krev. Praktiske metodar for livssyklus analyser og berekningar av levetidskostnader er under stadig utvikling.

Overordna politisk mål for eigedomsforvaltninga i Austrheim kommune

Kva som er god eller mindre god eigedomsforvaltning er berre delvis eit fagleg spørsmål. Like viktig som dei faglege krava, er dei politiske måla som ligg til grunn for eigarskapet, og som forvaltninga må målast etter. Ikkje alle dei faglege krava frå brukarane og bygningsfolk kan tilfredsstillast fullt ut. Dels kan desse krava stå i strid med kvarandre, dels må dei avgrensast av økonomiske grunnar.

Vi treng dei politiske måla for å kunne balansere og konkretisere ein del faglege kriterie, som til dømes krav til kvalitet og arealbruk i høve prioriterte brukarbehov og kostnader. Det fyrste og overordna kriteriet er difor at det ligg føre overordna politisk avgjorte mål som kan leggjast til grunn for eigne vurderingskriterier og for kalibrering og balansering av faglege (generelle) kriterie.

Politiske mål for eigedomsforvaltninga bør omfatte

Føremålet og måla med eigedomsmassen og mål for måten den skal forvaltast på. Måla for eigedomsmassen, dvs. sjølve bustadane, er ikkje berre knytta til det aktuelle bruksføremålet. I løpet av bustaden si levetid vil bruksføremålet kunne skiftast fleire gongar, og dei ulike bruksføremåla vil også endrast over tid. Dette inneber også eit behov for å kunne tilpasse bustadane til desse endringane. Til dømes er det ulikt behov for ei einsleg kvinne på 75 år, enn i høve til ein familie med 3 born.

Kriteria for god eigedomsforvaltning

1. Det ligg føre overordna politiske mål for eigedomsforvaltninga.

2. Det ligg føre eit rasjonelt system for planlegging og styring av eiendomsforvaltninga.
3. Generelle delkriterie (presiserast i samband med politiske mål):
 - a. Tilfredsstille prioriterte brukarbehov .
 - b. Effektiv arealutnytting.
 - c. Godt, verdibevarande vedlikehald.
 - d. Kostnadseffektiv eigedomsforvaltning.
 - e. Målretta utvikling av eigedomane sine kvalitetar.
 - f. Ei føremålstenleg organisering av eigedomsforvaltninga.

Tilfredsstille prioriterte brukarbehov

Tilfredsstilling av brukarbehova er den grunnleggjande føresetnaden for dei fleste kommunale bustadar og det vil og gjelda i høve til den jobben eigedomsselskapet skal gjera.

Behovstilfredsstillinga kan mellom anna ikkje vere utan økonomiske avgrensingar og prioritering i høve til andre behov. Her ligg det utfordringar til den overordna politiske styringa, slik at eit avstemt ambisjonsnivå og ønska prioritering blir gjeven til selskapet. Tilstrekkjelege midlar til vedlikehald vil variere avhengig av bustaden sin alder og opphavlege utføring, slitasje, skadar og tidlegare vedlikehald. Når det blir spurt «kva kostar eit forsvarleg vedlikehald», så er det difor ikkje greit å gje eit enkelt svar. Dersom pengane berre rekkjer til dette, er det openberr at vedlikehaldet må bli så mangelfullt at eigarkostnadene blir unødvendig høge ettersom åra går. Følgjeskadar, som sopp og råte i tilgrensande bygningsdelar, er typiske når fukta får verke over tid.

Vedlikehaldsetterslepet blir då som regel monaleg større enn summen av «sparte» vedlikehaldsmidlar. Dersom kommunen har vedteke å rive eller føreta ein omfattande ombygging og rehabilitering av ein bustad, er det sjølv sagt meir avgrensa kor lønnsamt det er å bruka pengar på vedlikehald.

Oppgåver for Austrheim kommunale eigedomsselskap (AKE).

Selskapet skal ha som hovudføremål å leige ut omsorgs- og kommunale utleigebustader til brukarar som Austrheim kommune har eit særskilt ansvar for, irekna brukarar som har vanskar med å skaffe seg bustad i den private marknaden eller har særskilt behov for omsorgsbustad. Dette skal selskapet oppnå ved å eige, kjøpe og selje eigedomar til bustadføremål, samt bygge ut, drifte og vedlikehalde eigedomar til bustadføremål til denne brukargruppa. Selskapet kan også byggje ut, drifte, vedlikehalde og forvalte andre eigedomar som skal nyttast til kommunale eller andre offentlege føremål. Selskapet kan også gjennomføre dette ved utleige av eigedom til Austrheim kommune. Selskapet skal ikkje ha føremål å drive kommersiell verksemd.

Kva bustader inngår i salet.

I framlegget til kva bustader som inngår har kommunedirektøren sett på kva einingar som er definert som bustader i kommunen sin portefølje. Og ein har kommen fram til at desse vert seld frå Austrheim kommune til AKE. Når det gjeld verdi så legg ein til grunn byggverdi og tomteverdi som vert den prisen som dei ulike einingane vert seld for.

Austrheim kommune kommunale bustadar						
Gnr	Bnr	Adresse	Type bustad	Verdi	Byggverd	Tomteverd
130	136	Vardevegen 66, 5953 Fonnes	Tomannsbustad	2 135 146,00 kr	1 735 146,00 kr	400 000,00 kr
130	138	Vardevegen 62, 5953 Fonnes	Tomannsbustad	2 185 146,00 kr	1 735 146,00 kr	450 000,00 kr
130	137	Vardevegen 64, 5953 Fonnes	Tomannsbustad	2 135 146,00 kr	1 735 146,00 kr	400 000,00 kr
148	42	Åråsvågmyra 14, 5943 Austrheim	Tomannsbustad	1 950 293,00 kr	1 550 293,00 kr	400 000,00 kr
148	37	Åråsvågmyra 26, 5943 Austrheim	Tomannsbustad	1 990 975,00 kr	1 590 975,00 kr	400 000,00 kr
148	36	Åråsvågmyra 28, 5943 Austrheim	Tomannsbustad	1 936 579,00 kr	1 536 579,00 kr	400 000,00 kr
148	35	Åråsvågmyra 30, 5943 Austrheim	Tomannsbustad	1 886 579,00 kr	1 536 579,00 kr	350 000,00 kr
142	226	Breiviksvegen 4, 5943 Austrheim	Einebustad	3 741 180,00 kr	3 341 180,00 kr	400 000,00 kr
142	186	Setenesvegen 48, 5943 Austrheim	Leilegheit	1 317 180,00 kr	1 117 180,00 kr	200 000,00 kr
142	230	Breiviksvegen 8, 5943 Austrheim	Einebustad	3 781 180,00 kr	3 381 180,00 kr	400 000,00 kr
149	124	Åråshøgda 38, 5943 Austrheim	Leilegheit	1 692 138,00 kr	1 442 138,00 kr	250 000,00 kr
142	75	Austrheimvegen 1010	Einebustad	2 500 000,00 kr		
149	142	Austrheimvegen 1025, 5943 Austrheim	Leilegheitsbygg	10 388 981,00 kr	6 388 981,00 kr	4 000 000,00 kr
149	142	Austrheimsvegen 1023, 5943 Austrheim	Leilegheitsbygg	7 044 276,00 kr	7 044 276,00 kr	
149	142	Austrheimsvegen 1021, 5943 Austrheim	Leilegheitsbygg	6 942 161,00 kr	6 942 161,00 kr	
				51 626 960,00 kr		

Retningslinjer for avhending av kommunale eigedommar

Det er tidlegare blitt laga retningslinjer for avhending av kommunale eigedommar (Strategisk eigedomsforvaltning). I denne rapporten vart det sagt følgjande om kva hovudprinsipp som skal leggst til grunn for avhending av kommunale eigedommar. Prinsippa skal leggst til grunn ved all avhending av eigedommar, men må tilpassast den aktuelle eigdommen.

- Ein skal ved sal av eigedommar arbeide for høgast mogleg pris.
- Det skal utarbeidast takst på alle eigedommar som ein ønskjer å selje.
- Det skal leggjast vekt på utvikling av eigdommen ved sal.
- Der det er naturleg kan endring i driftsform vurderast i staden for sal.
- Alle eigedommar skal som hovudregel lysast ut på det opne marknaden. Ein skal nytte annonse på finn.no, heimeside, Facebook og eventuelt direkte til lokale interessantar.
- Ein skal bruke meglar der det er naturleg
- Kommunedirektøren er ansvarleg for framforhandling av avtale om sal.
- Endeleg godkjenning om sal av eigedom skjer ved ordførar.

Drift og vedlikehald bustadane

Val av vedlikehaldsstrategi er sjølvstendig ikkje uavhengig av den økonomiske handlefridomen til Austrheim kommune. Når vedlikehaldet vert kutta ned slik at midlane ikkje er tilstrekkelege i høve til eit kostnadsoptimalt nivå, inneber dette at kommunen sine kostnader til reparasjonar, vedlikehald og drift vert auka over tid. Ein har erfart at vi no er komen i eit skjeringspunkt der vi må tenkje nytt i høve til både drift og vedlikehald.

Det som ville vært økonomisk rasjonelt i eit langsiktig perspektiv, blir valt bort til fordel for meir kortsiktige prioriteringar.

Når Austrheim kommune har komen opp i uføre med unødvendig høge kostnader til drift og vedlikehald, samstundes som bygningane forfalle, er det ei krevjande oppgåve å snu situasjonen og kome ned på eit kostnadsoptimalt, eller økonomisk optimalt vedlikehald. Det er tidlegare berekna at vi har eit vedlikehaldsetterslep på 20 millionar kroner for heile bygningsmassen til kommunen.

Ein mogeleg strategi er å avvikle mest mogleg av dei dårlegaste bygningane gjennom sal eller riving,

og ta inn det øvrige etterslepet som ledd i ulike investeringstiltak. På denne måten kan situasjonen snuast. Men å skape varige løysningar krev institusjonelle verkemidlar, som gir faste rammevilkår for eit rasjonelt vedlikehald.

Nokre av bustadane som er omtala i denne saka kan det vera naturleg vert seld, og det vil vera ein jobb for eigedomsselskapet å vurdere framtida til dei dårlegaste bustadane.

Når det gjeld den daglege oppfølginga av bustadane så vil AKE gå til innkjøp av eit FDVU system. For at ein bustad skal fungere optimalt og ha lengst mogeleg levetid, krevst det kontinuerleg forvaltning, drift og vedlikehald.

Desto meir spesialisert eller komplisert ein bustad er, desto større krav vert det stilt til kunnskap om korleis den er konstruert, og om dei tekniske systema i bustaden. Det vart kravd kompetanse på korleis bustaden og systema skal brukas og vedlikehaldast. Til dette blir det krevd eit godt og strukturert system om gjev full oversyn.

Eit FDVU-system er eit IT-system som er spesiallaga for eigedom og har skreddarsydd funksjonalitet for å støtte og betre forvaltnings- og vedlikehaldsrutinar.

Til informasjon så har Austrheim kommune kjøpt eit slikt system og ein jobbar med at eigedomsselskapet vil nytta same system. Når det gjeld det daglege vedlikehaldet så vil det skje gjennom at AKE saman med Austrheim Kommune no inngår rammeavtalar innan elektro, VVS og tømrartenester.

Bakgrunn for at ein vel å inngå rammeavtalar framfor å ha egne tilsette på vedlikehald

- Raskare reaksjonstid ved uforutsette hendingar.
- Ved å overlate vedlikehaldet til ein ekstern partnar, reduserer vi reaksjonstida som krev rask handling. Våre tilsette på teknisk drift treng ikkje å legge vekk andre presserande oppgåver, for å ta hasteoppgåver dei ikkje har tid eller kanskje kompetanse til å handtera.
- Tilgang på kompetanse. Bygg blir stadig meir komplekse, og det kan bli vanskelegare for oss som kommune å ha tilstrekkeleg kompetanse på alle fagområde.
- Administrasjon. Den som har rammeavtalen tar seg av all nødvendig administrasjon, slik at vi slepp å tenkje på ferieavvikling, fråvær ved sjukdom og permisjonar i samband med vedlikehald av desse bustadane.

Det som vi må vere merksam på er ved å kjøpe inn tenester framfor å nytta egne tilsette på vedlikehald er:

- Liten kontroll på tenestene som vert kjøpt inn.
- Krav til effektiv leverandørstyring.
- Skjulte og uforutsette kostnader, har vi god nok kunnskap om å kjøpe inn desse tenestene.

Det at vi vel og nytta oss av rammeavtaler framfor å nytta egne tilsette driftspersonell, gjer at det i samband med sal av bustadane vil vere tilsette som vil få andre oppgåver enn kva dei har innan teknisk drift i dag. Kommunedirektøren si vurdering er at det er mogeleg å flytta på tilsette utan at ein kjem opp i ein situasjon kor tilsette vert overtallige.

Bruk av salsgevinst ved sal av bustadmassen.

I samband med sal av desse bustadane vil ein totalt frigjera 51,6 millionar kroner, ein del av desse pengane er alt disponerte i budsjettet for 2022. I investeringsbudsjettet for 2022 er det lagt inn 26,3 millionar kroner i sal av varige driftsmiddel og av dette kjem 25 millionar kroner frå sal av bustadmassen. Desse midlane inngår som delfinansiering i samband med oppgradering av skulane våre. Ved å nytta desse midlane unngår kommunen å ta opp nye lån.

Det at ein skal låne eit monaleg beløp gjer at eigenkapitalen i selskapet må styrkjast. I dag har selskapet ein eigenkapital på 1,2 million kroner og kommunedirektøren føreslår at ein styrkjer eigenkapitalen med 8 millionar kroner. I dette ligg det og midlar til at selskapet kan skifta ut heile kloakkanlegget i Vestlia.

Veksten i gjelda til Austrheim kommune skuldast hovudsakeleg auka investeringar. I høve til kommunelova har kommunane høve til å låne pengar til investeringar, men ikkje til å finansiere drifta med lån. Kommunane kan også finansiere investeringar ved bruk av andre midlar, som gjennom sal av eigedom osv. Vi ser at vi i dei kommande åra vil måtte ta opp monalege lån i samband med opprustinga av Nordliheimen og omsorgsbustadar på Kaland. Kommunedirektøren føreslår difor at det vert gjennomført eit ekstraordinært låneavdrag på 18,6 millionar kroner i 2022.

Avtalar mellom Austrheim kommune og AKE

Overdraging frå kommunen til AS-et

Sal av fast eigedom frå kommunen til AS-et utgjer eit avtaleledd. Vidare må AS-et som kjøper avtalefinansiering med eksternt finansieringsselskap/bank e.l. Nødvendige garantiar mv. må avtalast på AS-et si hand i medhald til dei vilkår som finansieringa føreset. Kommunelova sine evt. avgrensingar mv. må det takast omsyn til.

Leigeavtale/ar frå AS-et til kommunen

Tilbakeleige må avtalast der AS-et leiger ut bustadane til kommunen. Som nemnt er det ein føresetnad at leigenivået blir sett til eit slikt nivå som gjev utleigeverksemda til AS-et eit overskot. Det tyder at det må vere reell kostnadsdekning, samt rimeleg avkastning på eigenkapitalen. Det må takast ei vurdering om leigenivået i dag gjev eigedomsselskapet overskot.

Andre avtarar

I den grad det skal ytast andre varer / tenester mellom partane er det føremålstenleg å avtalefesta dette. Dersom kommunen skal taka i vare funksjonar i AS-et ved eigne tilsette kan dette til dømes gjerast ved ein tenesteleveranse frå kommunen til AS-et eller motsett, avhengig av funksjonar, tilsetting/oppdragstilhøve etc. Det er føremålstenleg å vurdere slike høve samstundes som øvrige avtaletilhøve blir vurdert.

Konklusjon

Kommunedirektøren tilrår at Austrheim kommunale eigedomsselskap overtek dei kommunale bustadane til marknadstakst. For å finansiere dette oppkjøpet tek eigedomsselskap opp eit lån på 51,6 millionar kroner. Austrheim kommune stiller som garantist for dette låneopptaket. Dato for overdraging av eigedomane vert satt til 01.05.2022. Austrheim kommune skytt inn 8 millionar kroner i AKE for å styrke eigekapitalen, i tillegg vert delar av desse midlane nytta til å skifte ut kloakken i Vestlia. Av salsbeløpet frå sal av eigedomane blir det sett av med 25 millionar til bunde fond for

utbygging/opprusting av skulane. Dei resterande midlane blir nytta til ei ekstraordinær betaling av lån tilhøyrande Austrheim kommune.

Sakspapir

Saksnr	Utvalg	Type	Dato
024/22	Kommunestyret	PS	07.04.2022

Sakshandsamar	Arkiv	ArkivsakID
Thomas Lindås	FA-M10	22/444

Avtale om vass- og reservevassforsyning til Austrheim

Vedlegg

Avtale om levering av vatn frå Storavatn

Utkast - Avtale reservevann Alver - Austrheim 141221

Framlegg til vedtak:

Kommunestyret i Austrheim sluttar seg til avtale om vass- og reservevassforsyning mellom Alver og Austrheim kommune datert 01.04.2022 med følgjande endring:

Punkt 7 i avtalen vert i heilskap endra til:

«Partene kan ensidig kreve reforhandling av avtalen tidligst 20 år etter ikrafttredelsestidspunktet.

Avtalen kan ikke sies opp ensidig av partene.»

Grunngjeving følgjer av saksutgreiinga.

Kommunestyret - 024/22 - 07.04.2022

KS - behandling:

Kommunalsjef service og forvaltning, Thomas Lindås, orienterte om saka saman med einingsleiar teknisk drift Rolf-Henning Myrmel.

Lindås sa at det er viktig å få på plass ein avtale no, med tanke på pålegg frå Mattilsynet for reservevassforsyning. Prisen er rekna ut til å vera sjølvkost for Alver, det vert dyrare for abonnentane, men det gamle avtalen var særskild gunstig.

Einingsleiar teknisk drift Rolf-Henning Myrmel viste til tilsyn frå Mattilsynet dei siste åra, der det har

vore to ting ein har peika på. Det eine er forsyningssikkerheit, dette er no på plass med dei sjøleidningane som er klare. Det andre er reservevassforsyning. Har sett på reservevassforsyning frå Monslaupvatnet, men ser at det er for lite vatn der til lange tørkeperiodar, og kostnader med nytt anlegg vil vera så høge, at ein ikkje har noko alternativ til vatn frå Alver. Alver kommune har vore tydelege på at dei ikkje ville ha ein ny avtale om reservevassforsyning, då må ein gjera avtale også for vassforsyninga i seg sjølv. Vert dyrare vatn, men hadde vore mykje dyrare å gjera dette sjølv.

Lindås viste til endringa i avtalen, der ein i vedtaket legg inn at avtalen ikkje kan seiast opp ensidig.

Helge Dyrkolbotn (KrF) sa at det er klargjort at den nye avtalen vil gje høgare prisar, men spurte om vassutbygging sør i Alver påverkar prisen eller det berre gjeld utbygginga nord i Alver. Her svara Rolf-Henning Myrmel at vassutbygging i tidlegare Meland og Radøy ikkje kjem inn i dette reknestykket, det er forsyninga frå inntaket og fram til høgdebassenget på Årås som skal gje grunnlaget for prisen. Kjenner seg trygg på at det som er lagt inn er dei riktige tala.

Per Lerøy (Ap) sa at det er rett og rimeleg at ein betalar det som det kostar for vassforsyninga. Ser frå tidlegare at vasskjeldene i Austrheim ikkje er eigna for å levera drikkevatt, dette vart godt utgreidd før dagens avtale vart inngått.

Reidar Ulvøy (Ap) spurte om kva som er leveringskravet for reservevassforsyninga, om kapasitet skal vera like god. Her svara Rolf-Henning Myrmel at reservevassforsyninga skal vera ei fullgod forsyning. Myrmel la til at det er tre omgrep her: Vassforsyning, reservevassforsyning og naudvatn. Ser i Austrheim at ein ikkje kan bruka naudvassforsyninga frå Rasmusvatnet, for då må ein klora ned heile vassnettlet etterpå, på grunn av ureining.

Handsaming i kommunestyret:
Kommunedirektøren sitt framlegg vart samrøystes vedteke

KS - vedtak:

Kommunestyret i Austrheim sluttar seg til avtale om vass- og reservevassforsyning mellom Alver og Austrheim kommune datert 01.04.2022 med følgjande endring:

Punkt 7 i avtalen vert i heilskap endra til:

«Partene kan ensidig kreve reforhandling av avtalen tidligst 20 år etter ikrafttredelsestidspunktet.

Avtalen kan ikke sies opp ensidig av partene.»

Grunngjeving følgjer av saksutgreiinga.

Saksopplysninger:

Bakgrunn

Austrheim kommune får i dag vassforsyninga si frå Alver kommune. Dette følgjer av avtale mellom tidlegare Lindås kommune og Alver kommune datert 02.01.1986. Avtalen ligg vedlagt. Avtalen er uoppseieleg, men kan reforhandlast etter 40 år. Bakgrunnen for at ein får vatn frå Alver kommune er at Austrheim kommune har få gode drikkevasskjelder.

I brev frå mattilsynet datert 11.04.2019 vert Austrheim kommune pålagt å få på plass reservevassforsyning. Ei slik løysing har ikkje Austrheim kommune i dag. Om ein ikkje får på plass ei slik løysing vil kommunen kunne pårekna dagbøter.

Vurdering

Med bakgrunn i at noverande avtale om vassforsyning til Austrheim kommune om få år kan reforhandlast, samt at det er gjeve pålegg frå mattilsynet om å etablere reservevassforsyning, har kommunedirektøren arbeid med å kartlegge korleis desse utfordringane kan løysast. Det har våre vurdert å etablere ei eige reservevassforsyning frå Monslaupvatnet. Kartlegginga viser at dette vil vere utfordrande. For det første vil det krevje store investeringar å få på plass ei slik løysing. Vidare vil det kunne bli kapasitetsutfordringar med ei slik løysing om ein får behov for reservevassforsyninga i ein periode med lite nedbør. Med bakgrunn i dette har ein våre i dialog med Alver kommune for å få på plass ei reservevassforsyning frå dei.

Avtalen om levering av vatn som gjeld i dag har ein forholdsvis lav pris for vatnet. Dette med bakgrunn i at Austrheim tok del i kostnadane med å få på plass vassforsyninga. Dette er no nær 40 år sidan og anlegga er etter kvart avskrivne. I forslag til ny avtale har ein lagt til grunn Alver kommune sine faktiske kostnader med produksjon og levering av vatnet etter sjølvkostprinsippet. Det vil seie at Austrheim kommune, etter denne avtalen, vil måtte betale noko meir for vatn en kva me gjer i dag, men likevel ikkje meir kva det kostar for Alver og levere vatnet til Austrheim.

Vidare er den avtalen som ein har i dag uoppseieleg. I forslag til ny avtale frå Alver kommune er det føreslått at avtalen kan seiast opp einseitig frå kvar av partane etter 20 år. Avtalen seier følgjande:

«Oppsigelse

Denne avtalen kan ikke sies opp de første 20 årene etter ikrafttredelsestidspunktet.

Deretter kan den sies opp av hver av partene med tre (3) års oppsigelsestid. Oppsigelse av avtalen skal være skriftlig.»

Kommunedirektøren meiner dette ikkje er ei god løysing for Austrheim kommune. Etter avtalen slik den ligg føre vil ein kunne risikere å miste vassforsyninga til Austrheim om 20 år. Kommunedirektøren meiner difor at dette punktet må endrast slik at avtalen er uoppseieleg slik som i dag, men at avtalen kan reforhandlast etter 20 år dersom ein av partane ønskjer det. Om begge partar ønskjer det kan sjølv sagt avtalen seiast opp når ein måtte ønskje dette. Kommunedirektøren har følgjande forslag til nytt punkt 7 i avtalen:

«Partene kan ensidig kreve reforhandling av avtalen 20 år etter ikrafttredelsestidspunktet.

Avtalen kan ikke sies opp ensidig av partene.»

Ut over dette har ein ikkje merknadar til avtalen, med unntak av målforma. Kommunedirektøren meiner at avtalen slik den ligg føre vil sikre ei framtidsretta løysing både for vass- og

reservevassforsyning i Austrheim kommune, og legge til rette for framtidig vekst og utvikling i kommunen.

Konklusjon

Kommunestyret i Austrheim sluttar seg til avtale om vass- og reservevassforsyning mellom Alver og Austrheim kommune datert 01.04.2022 med følgjande endring:

Punkt 7 i avtalen vert i heilskap endra til:

«Partene kan ensidig kreve reforhandling av avtalen tidligst 20 år etter ikrafttredelsestidspunktet.

Avtalen kan ikke sies opp ensidig av partene.»

Grunngjeving følgjer av saksutgreiinga.

Sakspapir

Saksnr	Utvalg	Type	Dato
025/22	Kommunestyret	PS	07.04.2022

Sakshandsamar	Arkiv	ArkivsakID
Bjørnar Fjellhaug	FA-C84	20/4644

Framtida til kyrkjelydshuset

Framlegg til vedtak:

Austrheim kommune opphevar vedtak om å sal av kyrkjelydshuset. Soknet får tilhald i kyrkjelydshuset dei neste 5 åra og at det innan perioden vert endeleg avklara framtidig lokalitetar. Det vert utarbeidd ny tenesteytingsavtale.

Kommunestyret - 025/22 - 07.04.2022

KS - behandling:

Kommunedirektør Bjørnar Fjellhaug orienterte om saka, jamfør saksutgreiinga. Administrasjonen ber om oppheving av tidlegare vedtak om sal, så vil ein jobba vidare med framtida for dette bygget.

Aslak André Bakke (H) sa at dette er tida for å ha eit større blick på bygningsmassen ein har i kommunen. Er gjort ein del vedtak som ikkje heng heilt i saman, noko er vedteke selt men ikkje gjennomført, samstundes som ein leiger lokale andre stader, som i Mastrevik Torg. Bør ha eit meir overordna blick på dette med bygningsmasse.

Her svara kommunedirektør Fjellhaug at utsettinga av salet nettopp skal gje ei meir langsiktig planlegging. Det er klart at nokre val må ein ta, ikkje midlar til å vedlikehalda, men tilstanden for Kyrkjelydshuset er ikkje så kritisk at ein ikkje har tid til å venta på ein meir heilskapleg plan. Ser på kommunehuset at Fensfjorden PPT har tatt ein del plass der.

Aslak André Bakke (H) sa vidare at det kan vera mogleg å utnytta bygga meir effektivt i samarbeid med lag og organisasjonar som har bygg med aktivitet.

Kommunedirektør Fjellhaug sa at ein må sjå på betre utnytting av fleire kommunale bygg, som Seniorcenteret, Ungdommens hus, med fleire. Sjå på kva aktivitetar ein skal husa.

Habiliteten vart vurdert for Helge Dyrkolbotn og Anne Dahle Austrheim, som er høvesvis leiar og nestleiar i Austrheim sokneråd, som er brukarar kyrkjelydshuset. Kommunestyret var samrøystes om

at dei var inhabile.

Handsaming i kommunestyret:

Kommunedirektøren sitt framlegg vart samrøystes vedteke, med 15 av 15 røysteføre stemmer.

KS - vedtak:

Austrheim kommune opphevar vedtak om å sal av kyrkjelydshuset. Soknet får tilhald i kyrkjelydshuset dei neste 5 åra og at det innan perioden vert endeleg avklara framtidig lokalitetar. Det vert utarbeidd ny tenesteytingsavtale.

Saksopplysninger:

Bakgrunn

Kommunestyret utsette i sak 071/21 – 23.09.2021 sak om framtida til kyrkjelydshuset.

KS-vedtak:

- *Saka om sal av kyrkjelydshuset vert utsett til soknerådet har teke stilling til kontortilbodet dei får i kommunehuset.*
- *Det vert inngått ny avtale om evt. tenesteyting. Dersom tenesteyting erstattar oppgåver som vert gjeven gjennom tilskot, skal dette synleggjerast.*
- *Ved årleg budsjetthandsaming skal tilskot og andre ytingar koma tydeleg fram.*
- *Administrasjonen må ta kontakt med grendene som soknar til Kyrkjelydshuset, Austrheim Skule, for å tilby og sjekke ut interessa for å bruka dette som felles grendahus.*

Austrheim kommune og Austrheim sokneråd inngjekk i 1999 avtale om kva tenester soknerådet kjøper frå kommunen. Avtalen vart revidert i juni 2006 og i mai 2011. Gjeldande avtale frå 2011 punkt 4 seier: «Kyrkjelydshus: Soknerådet disponerer huset og betalar kommunale avgifter og straum. Dei har ansvar for indre vedlikehald og reinhald. Kommunen som huseigar betalar kommunale forsikringar og har ansvar for uteområdet, ytre vedlikehald og branntryggleik. Ein av soknerådet sine tilsette er brannvernleiar for bygget».

Kommunestyret bad den gong, rådmannen, no kommunedirektøren, vurdere bygg for sal og eit av desse er kyrkjelydshuset. For å kunne vere fri til sal, må avtalen med Austrheim sokneråd seiast opp og det må inngåast ny avtale om lokalitetar for soknet.

Kommunestyret handsama saka i KS – 090/20 – 24.09.2020 og gjorde følgjande vedtak:

KS-vedtak: Austrheim kommunestyret seier opp «Avtale mellom Austrheim sokneråd og Austrheim kommune om tenesteyting» revidert mai 2011 frå 01.01.2021. Soknet får frå same tid kontorhald i kommunehuset. Rådmannen får fullmakt til å utarbeide ny avtale om tenesteyting i samarbeid med kyrkjeverge. Avtalen skal leggjast fram for kommunestyre og sokneråd for endeleg godkjenning.

Kommunedirektøren sende 13.10.2020 melding om vedtak og oppseiing av avtalen mellom

Austrheim sokneråd og Austrheim kommune om tenesteyting.

Kommunedirektøren mottok brev datert 10.11.2020, frå Austrheim sokneråd, vedk. framtida for kyrkjelydshuset på Austrheim.

Soknerådet skreiv då:

«Vi vil be kommunen om å ikkje gjennomføra sal av huset i denne omgangen (....)»

Ein viste vidare til ulike moment for at ein ikkje skulle selje huset. I punkt 2 i skrivet står det:

«I alle desse 30 åra der kyrkjelyden har disponert huset til desse aktivitetane har kommunen vist syn for dette og tatt eit ansvar for at soknet kan driva arbeidet sitt på ein god måte. Vi vil difor be om at kommunen i denne omgang legg planane om sal av huset til side.

Soknerådet har sett ned ei arbeidsgruppe som skal sjå på gode og varige løysingar for å ta i vare det kyrkjelyden treng av lokale i framtida. Vi vil koma tilbake til kommunen med forslag til framtidig organisering og eventuell overtaking etter kvart som arbeidet i denne gruppa går fram.»

Skrivet og henvendinga frå Soknerådet vart lagt fram til politisk handsaming i samband med budsjetthandsaminga desember 2020.

Ein valde då å gje soknerådet tid til å vurdere ulike løysingar for evt overtaking eller organisering av kyrkjelydshuset.

Arbeidet med å inngå ny avtale om tenesteyting og sal av huset, har vore sett på vent inntil ei avklaring frå Soknerådet vart gjort.

19. mai 2021 hadde kommunedirektøren og kommunalsjef for service og forvaltning møte med AU i soknerådet om framtida til kyrkjelydshuset. Ein drøfta då gjennom ulike løysingar og soknet gjorde greie for sine vurderingar. Kommunedirektøren bad om å få ei skriftleg tilbakemelding frå Soknerådet på førespurnaden og konklusjon på deira vurdering av å overta kyrkjelydshuset og evt framtidig organisering.

Soknerådet handsama 09.juni saka og gjorde i f-sak 24/21 følgjande vedtak:

«Austrheim sokneråd har kome til den konklusjonen at ein fråstår eit sal av kyrkjelydshuset no – og at kyrkjekontoret sin administrasjon ikkje flyttar ut, men vert verande i egne lokale i overskueleg framtid. Soknerådet ønskjer ein leigeavtale på 10 år med kommunen. Soknerådet tilrår same ansvarsfordeling mellom kommunen og soknet som før, som gjeld ytre og indre vedlikehald. Soknerådet vil reetablere eit husstyre og styrka drifta av huset».

Kyrkjevevjet skulle etter sommaren sende eit notat vedk. kostnader ved å gjere kyrkjekontoret universelt tilgjengeleg og vurdering av det opp mot kva som vil vere kostanden ved å etablere egne lokalitetar for kyrkjekontoret sin administrasjon på kommunehuset. Kyrkjevevjet har laga eit notat for kostnader og vurderingar vedk. tilrettelegging til universell utforming. Notatet er vedlagt saka. Kostnad vil innebere utan moms omlag kr 200 000,-.

Kommunen sitt ansvar for kyrkja

Frå 01.01.2021 vart lov om tros- og livsynssamfunn (trussamfunnslova) sett i verk. Denne erstatta tidlegare kyrkjelova.

I §14 kjem det fram korleis finansieringa og delvis ansvaret kommunen har for den norske kyrkja.

Staten gir tilskudd til prestatjenesten og kirkens virksomhet nasjonalt og regionalt. Staten kan også gi tilskudd til andre kirkelige formål.

Kommunen gir tilskudd til kirkens virksomhet lokalt, herunder tilskudd til bygging, vedlikehold og drift av kirkebygg. Tilskuddet skal sikre at kirkebyggene holdes i forsvarlig stand, slik at de kan benyttes til gudstjenester og kirkelige handlinger. Tilskuddet skal også sikre at soknet har tilfredsstillende bemanning ved gudstjenester og kirkelige handlinger, herunder kirketjener, klokker og organist/kantor ved hver kirke, og tilstrekkelig administrativ hjelp. Kommunens tilskudd gis etter budsjettforslag fra soknet. I budsjettforslaget skal også tilskudd til kirkelig undervisning, diakoni og kirkemusikk inngå.

Etter avtale med soknet kan kommunen yte tjenester i stedet for å gi tilskudd etter andre ledd.

Kommunen kan ta opp lån for å finansiere investeringer i kirkebygg og tilhørende varige driftsmidler.

Bestemmelsene i § 6 gjelder tilsvarende for Den norske kirke.

Regnskapsloven gjelder for regnskapet til rettssubjektet Den norske kirke og for regnskapet til soknet, med mindre departementet har fastsatt annet i forskrift.

Et sokn kan ikke tas under konkursbehandling eller begjære åpning av gjeldsforhandlinger etter konkursloven.

Føremålet med bestemmningane i §14 er å setje rammene for staten og kommunane sitt finansieringsansvar for den norske kyrkja.

I §14 andre ledd kjem ansvaret til kommunen fram. Kommunen har ei rettsleg plikt til å finansiere desse føremåla, men nivået på tilskotet er ikkje nærare presisert. Det må likevel vere på eit nivå kor «*kirkebyggenene holdes i forsvarlig stand, slik at de kan benyttes til gudstjenester og kirkelige handlinger...*». Kva som er «forsvarleg» er nok ikkje rett fram, men Soknet sine organ må sjølvstendig tilpasse aktiviteten til storleiken på tilskotet og prioritere mellom ulike oppgåver.

I tredje ledd kan kommunen, som tidlegare, yte tenester i staden for å gje tilskot. Dette føreset at det ligg føre ein avtale om tenesteyting med soknet. Tenesteyting kan mellom anna vere administrativ støtte som t.d. IKT eller rekneskapstenester.

I den gamle kyrkjelova var det spesifisert kva områder som kommunen hadde ansvar for, bla. driftsutgifter for fellesråd og menighetsråd, herunder utgifter til administrasjon og kontorhold, utgifter til lokaler, utstyr og materiell til konfirmasjonsopplæring.

Den nye trussamfunnslova seier ikkje at kommunen har ansvar for kontorhald for kyrkja, men tilskot til «*tilstrekkelig administrativ hjelp*».

Vidare seier lova at det tilskotet skal sikra er:

- tilskot til bygging, vedlikehald og drift av kyrkjebygg
- at kyrkjebygga vert halden i forsvarleg stand, slik at dei kan nyttast til gudstenester og kyrkjelege handlingar.
- tilfredsstillande bemanning ved gudstenester og kyrkjelege handlingar, her kyrkjetenar, klokkar og organist/kantor ved kvar kyrkje.
- kyrkjeleg undervisning, diakoni og kyrkjemusikk skal inngå.

Tilskot vert gjeven etter budsjettframlegg frå soknet. Dette presiserer også departementet i sitt skriv

til kommunane vedk. orientering om tilhøvet mellom Den norske kirke lokalt og kommunen etter ny trossamfunnslov, datert 03.12.2020 (<https://www.regjeringen.no/no/dokument/dep/bld/brev/brev-orientering-om-forholdet-mellom-den-norske-kirke-lokalt-og-kommunen-etter-ny-trossamfunnslov/id2788731/>)

Etter avtale med soknet kan kommunen yte tenester i staden for å gje tilskot etter andre ledd.

Dersom kommunen yter tenester i staden for tilskot på områder i §14 andre ledd, vil det kunne trekkjast frå (eller reknast inn i) tilskotet som vert gjeven til Den norske kyrkja.

Departementet skriv:

«§ 14 annet ledd angir formålene det skal gis tilskudd til. Tilskuddet skal sørge for at kirkebyggene holdes i forsvarlig stand og kan benyttes til gudstjenester og kirkelige handlinger, og det skal sørge for at soknene har tilfredsstillende bemanning ved gudstjenester og kirkelige handlinger og tilstrekkelig administrativ hjelp, jf. merknadene til bestemmelsen i Prop. 130 L (2018-2019). Det statlige tilskuddet til Den norske kirke nasjonalt dekker lønnen til prestetjenesten, mens Den norske kirke lokalt sørger for kontor og administrative tjenester for prester og lokalt tilsatte. Forståelsen av kommunenes økonomiske ansvar bygger på den forutsetning at de kommunale bevilgninger til kirken fortsatt gir grunnlag for tilfredsstillende drift og vedlikehold av våre kirker og gravplasser og for utgiftsdekningen i kirkelige stillinger».

I dette kjem det fram at Den norske kyrkja lokalt sørgjer for kontor og administrative tenester for prestar og lokalt tilsette. Kommunen har difor ikkje ansvar, slik ein forstår rundskrivet frå departementet, til å ha kontorhald for kyrkja, men kommunen sitt økonomiske ansvar byggjer på den føresetnaden at dei kommunale tildelingane til kyrkja framleis gjev grunnlag for tilfredsstillande drift og vedlikehald av kyrkjene og gravplassane og for utgiftsdekninga i kyrkjelege stillingar.

Departementet viser til at nivået på kommunen sitt tilskot til Den norske kyrkja lokalt, vert fastsett i ein lokaldemokratisk proess. I respekt for det kommunale sjølvstyret og i tillit til den einskilde kommune også i dag ser verdien av å gje gode rammevilkår for kyrkja sitt liv og verke, er det ikkje gitt meir detaljerte reglar om kommunen sine økonomiske pliktar i høve til den Den norske kyrkja lokalt enn det som går fram av sjølve lova.

Departementet peikar på at dersom den økonomiske situasjonen for kommunen gjer det påkrevd med innstrammingstiltak i løpet av året, kan ikkje kyrkja si verksemd generelt unntakast frå slike. Det må i slike høve takast ei konkret vurdering av dei konsekvensar ei redsert bevilgning har for kyrkja si verksemd, og om slike konsekvensar vil innebere eit brot på føresetnadene som følgjer av trussamfunnslova §14.

Tilskot og tenesteyting

Austrheim kommune gjev i dag tilskot til Austrheim sokn på kr 3 175 000,-.

Etter tenesteytingsavtalen frå 2011 må reviderast.

Vurdering

I melding om kommunal eigedomsforvaltning ligg kyrkjelydshuset inne som eit av bygga som skal seljast. Det har bla. Vore bakgrunn for at soknet må flytta frå desse lokalitetane og ein har hatt som

mål om at dei skal flytta inn i kommunehuset.

Det har vore gjort tilpassingar på kommunehuset for å tilretteleggja for Fensfjorden PPT. Kommunedirektøren meiner det må takast ein heilskapleg gjennomgang av kva tenester som skal vere kor. Dette arbeidet treng litt meir tid, slik at ein ikkje gjer forhasta vedtak og ikkje har ein god plan.

Dette medfører samstundes at det då vil vere ei usikkerheit for soknet å ikkje vite framtida. Kyrkjelydshuset er eit av husa som er i betre teknisk stand og vil helda seg godt i mange år, før ein treng omfattande vedlikehald. Ein ser likevel ikkje at ein kan gjere dei store tilretteleggjingar i høve universell utforming etc. men huset kan nyttast godt. Kommunedirektøren vurderer det difor til at ein må ta ei avgjerd innan 5 år om det er kyrkjelydshuset eller andre lokalitetar som vil vere best eigna. Det vert difor meir føreseieleg for soknet at dei veit at dei får vere der over tid og ein gjennom perioden får ei avklaring på framtidig lokalitet. Kommunen har uansett eit ansvar for soknet og ein vurderer det til større kostnad, enn gevinst å gjera endringar pr no. Ein vil uansett også tilretteleggje kommunehuset, men ein gjer det på ein fleksibel og god måte, uavhengig av om soknet skal inn eller ei.

Då det ligg føre eit vedtak om sal, må kommunestyret oppheva saka og gje kommunedirektøren fullmakt itl å sjå på framtidige løysingar over eit litt lengre perspektiv.

Det har vore gjennomført møte med soknet og dei er gjort kjend med kommunedirektøren si innstilling og er positiv til ei slik løysing.

Tenesteytingsavtalen vert revidert og lagt fram for kommunestyret til vedtak så snart den er klar.

Konklusjon

Kommunedirektøren tilrår at soknet held fram å vera i kyrkjelydshuset dei neste 5 åra. Det må i løpet av denne tida avgjerast framtidig lokalitetar, anten om det vert andre stader eller at det blir permanent i kyrkjelydshuset. Det må sjåast i heilskap med kommunale tenester og lokalitetar. Det vert også arbeidd med ny tenesteytingsavtale på bakgrunn av innstilling frå kommunedirektøren og den vil verte lagt fram for kommunestyret så snart den er klar.

Sakspapir

Saksnr	Utvalg	Type	Dato
026/22	Kommunestyret	PS	07.04.2022

Sakshandsamar	Arkiv	ArkivsakID
Bjørnar Fjellhaug	FA-F39	22/344

Oppmoding om busetjing av flyktningar 2022

Vedlegg

Oppmoding om busetjing av flyktningar 2022

Tilleggsanmodning om busetjing av flyktningar frå Ukrainere for 2022

AcosSvarInn.xml

Informasjon om handtering av busetjing av Ukrainere

AcosSvarInn.xml

Kartlegging av kapasitet og tilgjengelighet for rask busetjing av flyktningar frå Ukrainere

Ny oppmoding - IMDI oppmodar Austrheim kommune om å busette flyktningar i 2022

22-02064-2 - Foreløpig svar - Ny anmodning 2022

Oppmoding om busetjing av flyktningar - Austrheim kommune

Framlegg til vedtak:

Austrheim kommune kan busetje 25 flyktningar.

Kommunestyret - 026/22 - 07.04.2022

KS - behandling:

Kommunedirektør Bjørnar Fjellhaug orienterte om saka, jamfør saksutgreiinga.

Inger Lise Brekke (H) spurte om kompensasjonsordninga på 50.000 kroner per flyktning er for 15 flyktningar som ein er bedt om å ta i mot, eller for 25. Kommunedirektør Bjørnar Fjellhaug svara at Integrerings- og mangfaldsdirektoratet (Imdi) har vore litt uklare på akkurat dette. Her sa ordførar Per Lerøy (Ap) at 750.000 kroner for 25 flyktningar skal dekkja kommunen sine generelle kostnader, uansett om det kjem så mange flyktningar eller færre.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Austrheim kommune kan busetje 25 flyktningar.

Saksopplysninger:

Bakgrunn

Mange har flykta frå Ukraina sidan Russland sin invasjon i februar i år. Dette er den største massefluktsituasjonen Europa har sett sidan andre verdskrigen. Dei humanitære følgjene er dramatisk i Ukraina og i nabolanda og dei store flyktningstraumane ut av Ukraina legg betydeleg press på landa ikring. Ein er avhengig av at heile Europa stiller opp og mange flyktningar kjem også til Noreg.

Det er venta at det i tida frametter vil koma mange flyktningar som er på flukt frå det krigsramma landet. Det er vedteke at ukrainske statsborgarar skal få mellombels kollektivt vern.

Storparten av dei venta flyktningane vil vere kvinner, barn og eldre. Dei fleste tenestedyktige menn er att og kjempar for landet sitt.

IMDI sende 04. mars ut førespurnad om kartlegging og tilgjenge for rask busetnad av flyktningar. Denne førespurnaden nådde ikkje fram til rette vedkomande og det blei ikkje sendt svar attende innan fristen og det blei då send epost. Vi sende då at vi kunne ta imot 25 flyktningar.

18.03. sende IMDI ny oppmoding om å busetje flyktingar i Austrheim. Denne førespurnaden gjekk på å busetja 15 flyktningar og dei ville innan 31. mars ha stadfesting på vedtak om at kommunen godtok førespurnaden. Kommunedirektøren sende 31. mars epost til IMDI om at saka vil opp i kommunestyret 07. april og at svar var venta etter det. Det var samstundes meldt at vi er positiv til å ta imot 25 flyktningar.

Kommunen må leggje opp planar og førebu tenestetilbodet for å motta flyktningar. Ein må få på plass ein plan for å handtere bustader, helsetenester, introduksjonsprogram, barnehageplassar og skule.

Dei siste åra har det vore lite mottak av flyktningar i kommunen, og flyktningtenesta har over tid vore bygd ned. Vi har ikkje nokon flyktningkonsulent og det blei ikkje rekruttert etter at førre konsulent slutta.

Ein vil tru at flyktingane som no kjem, ynskjer seg snarast mogleg attende til heimlandet sitt. Slik vi kjenner krigshandlingane vil mykje av landet vere bomba og øydelagt og det kan ta lang tid før flyktingane kan returnere til heimlandet sitt. Ein må difor ta høgde for at flyktningbehovet kan vere langvarig.

Vurdering

Austrheim er positiv til å ta i mot flyktningar. Vi har vurdert kor mange vi kan ta i mot på kort- og langsiktig perspektiv. Vi er knapt ferdig med ei krise, før vi går over i neste, men det er viktig at vi stiller opp og tek i mot dei som no må forlate alt og starte på nytt i eit nytt land. Vi har vurdert kva vi

kan klare innanfor dei tenestene vi har i dag utan å måtte auke ressursar. Samstundes må ein tru at flyktningssituasjonen vil vara over lengre tid og ein må rigge eit apparat som kan handtere ein langsiktig flyktningssituasjon. Det gjer at vi må byggje opp at flyktningkoordinator og mogleg også nokre tenester rundt.

Vi har etablert eit tverrfagleg team på tvers av sektorar for å taka i vare dei ulike sidene med mottak og integrering av flyktningar. Tolketenesta er sårbar generelt i landet og det er få som kan ukrainsk. Vi har tilsette i kommunen som talar ukrainsk og russisk og kan nytta oss av desse. Vi har lagt ut informasjon på heimesida vår både til potensielle flyktningar som kjem og til frivillige som vil hjelpe. Det gjeld alt frå husvære til anna hjelp. I situasjonen kan ikkje kommunen klare alt, så vi er også avhengig av samarbeid med frivillig sektor for å få til eit godt mottak og ikkje minst integrering av flyktningane.

Årås skule og Kystbarnehagen er mottak for barn og ungdom og vil førebu mottak. Vaksenopplæringa vil taka i vare det som fell under vaksenopplæring og vi er også i tett dialog og samarbeid med NAV.

Det blir viktig både å få på plass bustader, men ikkje minst også at vi gjer eit godt arbeid for at flyktningane opplever å bu i Austrheim som ei god oppleving. Vi veit at mange vil attende til heimlandet, men det kan ta tid før det skjer.

Vi har også sett at helsetenestene skal kunne handtere eit omfang på 25 flyktningar. Vi meiner at det skal vi handtere, samstundes som vi byggjer oss opp mot å kunne ta i mot fleire. Vi har få kommunale bustader, så vi er avhengig av private bustader. Vi ser det som viktig at desse er mest mogleg sentrale anten på Årås- eller Kaland-området, då tilgjenge til kollektiv vil vere viktig. Kommunen går gjennom og godkjenner dei bustadene som blir meldt inn, og melder dei vidare til IMDI.

Økonomi:

Regjeringa vil gje ei kompensasjonsordning for utgifter kommunar har til å byggje opp tenesta til kr 50 000,- pr vedtaksplass som ikkje blir busett. I tillegg vil det bli gjeven ordinært tilskot for busetsetjing av flyktningar. Det vert arbeidd nasjonalt med ulike tilskot i den ekstraordinære situasjonen som ein no er i. Ein må likevel ta høgde for at nokre kostnader vil råka kommunen.

Konklusjon

Kommunedirektøren tilrår at kommunestyret vedtek at Austrheim kommune tek i mot 25 flyktningar.

Sakspapir

Saksnr	Utvalg	Type	Dato
027/22	Kommunestyret	PS	07.04.2022

Sakshandsamar	Arkiv	ArkivsakID
Ketil Tjore	FE-033, HistSak-19/738	21/255

Justering av medlemmer til Felles sakkunnig klagenemnd for eigedomsskatt

Framlegg til vedtak:

Felles sakkunnig klagenemnd for eigedomsskatt

Medlemmer for perioden 2022-2025	Vara for perioden 2022-2025
Gro Kaland (Sp)	Terje Aasen (KrF)
Nils Ove Vassdal (H)	Harald Lundal (H)
Jan Nordø (BYA)	Siri Kaland (Ap)

Medlemmer for perioden 2019-2023	Vara valde for perioden 2019-2023
Reidar Ulvøy (Ap)	Adrian Stueland (Ap)
<i>Kandidat vert lagt fram i møtet</i> (H)	Aslak Andre Bakke (H)
Lise Renate Helle (Sp)	Per-Kristian Løvmo (Sp)

Leiar for perioden 2022-25	Nestleiar for perioden 2019-2023
Leiar: Nils Ove Vassdal	Nestleiar: Reidar Ulvøy – ikkje på val

Felles sakkunnig klagenemnd for eigedomsskatt

Medlemmer for perioden 2022-2025	Vara for perioden 2022-2025
Gro Kaland (Sp)	Terje Aasen (KrF)
Nils Ove Vassdal (H)	Harald Lundal (H)
Jan Nordø (BYA)	Siri Kaland (Ap)

Medlemmer for perioden 2019-2023	Vara valde for perioden 2019-2023
Reidar Ulvøy (Ap)	Adrian Stueland (Ap)
Aslak Andre Bakke (H)	Hege Ramsland (H)
Lise Renate Helle (Sp)	Per-Kristian Løvmo (Sp)

Leiar for perioden 2022-25	Nestleiar for perioden 2019-2023
----------------------------	----------------------------------

Leiar: Nils Ove Vassdal

Nestleiar: Reidar Ulvøy

Kommunestyret - 027/22 - 07.04.2022

KS - behandling:

Nestleiar i valnemnda, Aslak André Bakke (H), sa at han går inn som fast medlem i nemnda (opp frå vara) og Hege Ramsland går inn som ny vara.

Handsaming i kommunestyret:

Samrøystes for framlegget til vedtak.

KS - vedtak:

Felles sakkunnig klagenemnd for eigedomsskatt

Medlemmer for perioden 2022-2025	Vara for perioden 2022-2025
Gro Kaland (Sp)	Terje Aasen (KrF)
Nils Ove Vassdal (H)	Harald Lundal (H)
Jan Nordø (BYA)	Siri Kaland (Ap)

Medlemmer for perioden 2019-2023	Vara valde for perioden 2019-2023
Reidar Ulvøy (Ap)	Adrian Stueland (Ap)
Aslak Andre Bakke (H)	Hege Ramsland (H)
Lise Renate Helle (Sp)	Per-Kristian Løvmo (Sp)

Leiar for perioden 2022-25	Nestleiar for perioden 2019-2023
Leiar: Nils Ove Vassdal	Nestleiar: Reidar Ulvøy

Saksopplysninger:

Bakgrunn

Det må gjerast ei justering av dei medlemmene Høgre har i denne nemnda. Den siste kandidaten vert føreslege i møtet.

Konklusjon

Kommunestyret vedtek medlemmene i nemnda som føreslege, med siste namn lagt fram i møtet.

